



ՄԱՅՐ ԱԹՈՒ ՍՈՒՐԲ ԷԶՍԻԱՃՆԻ
ԿՐՈՆԱԿԱՆ, ՄԵԿՎՈՒԹԱՅԻՆ,
ԼՐԱՏՎԱԿԱՆ ԵՐԿԵԱԲԱԹԱԹԵՐԹ

Ն. Ս. Օ. Տ. Տ. Փարեգին Բ Ամենայն Հայոց Կաթողիկոսի ուղերձը ՀՀ անկախության տոնի առիթով

Սիրելի՛ ժողովուրդ ի Հայաստան, Արցախ եւ ի Սփյուռք,
Այս տարի լրանում է մեր անկախ պետականության վերահաստատման 30-ամյակը: Երեք տասնամյակ առաջ մեր ժողովուրդը միաբան կամքով, համախումբ եւ միասնական ընտրեց անկախության վերակերտման ճանապարհը՝ խանդավառությամբ եւ ոգեշնչված իրագործելու իր դարավոր իղձն ու երազանքը: Պետականաշինության, հայրենակերտումի դժվարին ուղի անցավ մեր ժողովուրդը, դիմագրավեց բազում մարտահրավերների, հանձն առավ մեծ զոհողություններ: Պանծալի հաղթանակների, հաջողությունների ու ձեռքբերումների հետ ունեցանք նաեւ բացթողումներ, սխալ ընթացքներ եւ հայրենական անդատաւանում, եւ միջազգային հարթակներում: Անցյալ տարի ազգովի ենթարկվեցինք նոր փորձության: Աղբյուրներ վերստին պատերազմ սանձագործեց Արցախի Հանրապետության դեմ: Աղետալի պատերազմի ծանրագույն հետեւանքները եւ ամեն օր նորովի արնահոսող վերքերը բոլորովին նոր իրավիճակ են ստեղծել մեր ժողովրդի կյանքում: Մեր սրտերում մեր կորուստների, մեր նահատակների, զերյալների ու անհայտ կորածների խոր ցավն է, ապագայի անորոշության անհանգստությունը, բայց նաեւ՝ վճռականությունը վերստին ոտքի կանգնելու, թոթափելու մեզ պատուհասած արհալիրքներն ու նեղությունները եւ ապահովելու պայմաններ, որ մեր ժողովուրդն Արցախում ու Հայաստանում ապրի անվտանգ ու բարօր: Հայրենի երկրի անկախությունը մեծագույն արժեք է: Հայոց Եկեղեցին դարերի ընթացքում մշտապես արթուն է պահել անկախության գաղափարը մեր զավակների հոգիներում, օրինել մեր ազատության մաքառումները, կարելին ի սպաս դրել մերօրյա անկախ հայրենիքի կայացմանն ու առաջընթացին եւ շարունակելու է իր առաքելությունն այս սուրբ գործում: Անկախության 30-ամյակի գլխավոր խորհուրդն առաջադեմ, բարօր, սիրո ու միաբանության մեջ ծաղկող երկիր վերակերտելն է: Այսօր, ցավոք, հաճախ ենք տեսնում անհանդուրժողականության դրսևորում՝ համերաշխության ու երկխոսության փոխարեն: Մեր երկրի ու ժողովրդի առջեւ ծառացած հիմնական դիրքերը պահանջում են միասնականություն, ջանքերի մեկտեղում եւ համախոհ նպատակադրումների իրականացում: Թանկ գնով ձեռք բերված անկախությունը համազգային միասնականությանը պիտի պաշտպանենք ու պահպանենք՝ հաղթահարելով ներքին ու արտաքին մարտահրավերները այս սրբազան առաքելության ճանապարհին, քանզի մեր անկախ պետությունը մեր գոյության ու լինելիության կարևորագույն խարիսխն ու գրավականն է: Անկախության տոնի առիթով հայրապետական Մեր օրհնությունն ենք բերում համայն մեր ժողովրդին եւ հորդորը՝ ամուր հավատքի մեջ, ընթանալու Աստծու պատգամներով, համախմբված հայրենիքի շուրջ, հայրենյաց սիրով ու եղբայրությամբ իրականացման առաջնորդելու ազգային մեր լուսավոր իղձերը: Աղոթք ենք վերառաքում առ երկնավոր Տերը, որ խաղաղություն շնորհի աշխարհին, մեր հայրենիքին, ստեղծագործ ու անվտանգ կյանք՝ ազգիս զավակներին, այսօր եւ միշտ. ամեն



Ն. Ս. Օ. Տ. Տ. Փարեգին Բ Ամենայն Հայոց Կաթողիկոսի ուղերձը սեպտեմբերի 27-ի օրվա առիթով

Սիրելի՛ հավատավոր ժողովուրդ,
Այսօր, ցավը մեր հոգում, մենք հիշում ենք 44-օրյա աղետաբեր պատերազմի տագնապալի օրերը, մեր բանակի քաջարի դիմադրությունը թշնամու դավադիր հարձակմանը: Հիշում ենք սխրանքների զինվոր ու սպա մեր զավակների, որոնք չընկրկեցին թուրք-ադրբեջանական զերակշռող ուժերի առջեւ:
Պատերազմը մեծ փորձություն էր, որի պատճառած ավերակները եւ մեր ժողովրդի առջեւ ծառացած լուրջ մարտահրավերները չեն կարող վճռվել ներհասարակական լարվածությունն ու պառակտվածության պայմաններում: Վերելքի մեր ուղին յուրաքանչյուրիցս պահանջում է պատասխանատվության բարձր գիտակցություն եւ հայրենավիրումի ոգի, համախմբում եւ միասնական ջանքեր՝ պաշտպանելու Արցախի մեր ժողովրդի ազատ ապրելու իրավունքը, Հայաստանի սահմանները, հաղթահարելու պատերազմով առավել սրված սոցիալական խնդիրները: Այս տեսլականով ջանքեր ներդնենք ազգի համախմբման, անհանդուրժողականության ու անհամերաշխության հաղթահարման համար: Զրիստոնեական մեր արժեքներին հավատարմությամբ զորանանք եւ զորացնենք մեր պետականությունը, ազգային-հասարակական մեր կյանքը՝ ամուր պահելով հույսի, հավատի, սիրո եւ արդարության ուղիներում: Մտադրում ենք, որ մեր ժողովրդին միշտ լսելի լինի հայրենիքը պաշտպանելու, միասնական լինելու պատգամը, որ թողնում են մեզ հանուն Արցախի անկախ կյանքի եւ հանուն մեր լուսավոր ապագայի նահատակված մեր քաջորդիները:
Ի խորոց սրտի աղոթում ենք հայրենյաց պաշտպան մեր զոհված հերոսների համար, հայցում մխիթարություն նրանց հարազատներին, ապարի-նում մաղթում վիրավորներին եւ վերադարձ գերյալներին ու անհայտ կորածներին: Մեր հայցն է առ Աստված, որ Տիրոջ հանապազ օրհնությունը խաղաղության, ապահով ու անվտանգ կյանքի մեջ պահի մեր ժողովրդի զավակներին ի Հայաստան, Արցախ եւ ի Սփյուռք, այսօր եւ միշտ. ամեն:

Ամենայն Հայոց Կաթողիկոսն ընդունեց Բուենոս Այրեսի ՀԲԸՄ-ի վարժարանի սաներին



Սեպտեմբերի 26-ին Ն. Ս. Օ. Տ. Տ. Փարեգին Երկրորդ Ծայրագույն Պատրիարք եւ Ամենայն Հայոց Կաթողիկոսը Մայր Աթոռ Ս. Էջմիածնում հյուրընկալեց Բուենոս Այրեսի (Արգենտինա) Հայկական բարեգործական ընդհանուր միության վարժարանի ավարտական լսարանի սաներին՝ ուղեկցությամբ ՀԲԸՄ-ի հոգաբարձուների խորհրդի անդամ Խուան Բալյանի:
Վեհափառ Հայրապետը, իր հայրական օրհնությունը բաշխելով պատանի հայորդիներին, ուրախությամբ արձանագրեց, որ տարիներ առաջ ձեւավորված վարժարանի ավարտական լսարանների՝ Հայաստան եւ Մայր Աթոռ այցելության ավանդույթն այժմ վերականգնվել է: Այս առիթով Նորին Սրբությունը պատգամեց շրջանավարտներին ջանասիրությամբ շարունակել իրենց ուսումը, որպեսզի ձեռք բերած գիտելիքներն ու հմտությունները ծառայեցնեն արգենտինահայ համայնքի առավել աշխուժացմանը եւ հայրենիքի հզորացմանը:
Հանդիպմանը Հայոց Հովվապետը գոհանակությամբ արձանագրեց, որ արգենտինահայ գաղութն աչքի է ընկնում առանձնահատուկ կազմակերպվածությամբ, հայ կյանքի եւ ազգային արժեքների մախանձախնդիր պահպանմամբ, ինչի ակնառատեանն ու վկան է եղել Արգենտինա կատարած իր հովվապետական այցելությունների ժամանակ:
Վեհափառ Հայրապետը նաեւ պատասխանեց երիտասարդների հարցերին: Արգենտինահայ պատանիները մասնավորապես հետաքրքրվում էին, թե ինչպես է Նորին Սրբությունը ընտրել հոգեւորականի ուղին, եւ ներկայումս ինչպիսին է հովվապետական ծառայությունը:
Վերջում Նորին Սրբությունը ուխտավոր հայորդիներին մաղթեց Աստծու զորկացությունը ու պահպանությունը:

Բուենոս Այրեսի Հայկական բարեգործական ընդհանուր միության վարժարանի ավարտական լսարանի սաներին հանդիպելու ժամանակ Ն. Ս. Օ. Տ. Տ. Փարեգին Երկրորդ Ծայրագույն Պատրիարքը արձանագրեց, որ տարիներ առաջ ձեւավորված վարժարանի ավարտական լսարանների՝ Հայաստան եւ Մայր Աթոռ այցելության ավանդույթն այժմ վերականգնվել է: Այս առիթով Նորին Սրբությունը պատգամեց շրջանավարտներին ջանասիրությամբ շարունակել իրենց ուսումը, որպեսզի ձեռք բերած գիտելիքներն ու հմտությունները ծառայեցնեն արգենտինահայ համայնքի առավել աշխուժացմանը եւ հայրենիքի հզորացմանը:

Այցելություն Եռաբլուր եւ Հանրաժեհական մաղթանք՝ Հայաստանի անկախության 30-ամյակի առիթով



Մեկտեմբերի 21-ի առավոտյան Հայաստանի Հանրապետության անկախության տոնի առիթով, Ն. Ս. Օ. Տ. Տ. Գարեգին Երկրորդ Ճայրագույն Պատրիարք եւ Ամենայն Հայոց Կաթողիկոսը Մայր Աթոռ Սուրբ Էջմիածնում պաշտոնավարող եպիսկոպոսների, Հայաստանի թեմական առաջնորդների եւ առաջնորդական փոխանորդների հետ այցելեց «Եռաբլուր» զինվորական պանթեոն՝ հարգանքի տուրք մատուցելու հայրենիքի անկախության եւ անսասանության համար իրենց կյանքն ընծայաբերած հայորդիների հիշատակին:

Պանթեոնում, Ամենայն Հայոց Կաթողիկոսի նախագահությամբ, կատարվեց հոգեհանգստյան արարողություն: Հոգեհանգստանալու դասն աղոթք բարձրացրեց առ Աստված՝ քաջորդիների հոգիների խաղաղության համար:

Նորին Սրբությունն ու եկեղեցականներն առանձնաբար այցելեցին նաեւ ազգի հերոս զավակների շիրիմներին՝ բերելով իրենց խոնարհումն ու աղոթքը:

Եռաբլուրից հետո, հանդիսապետությամբ Ն. Ս. Օ. Տ. Տ. Գարեգին Երկրորդ Ճայրագույն Պատրիարք եւ Ամենայն Հայոց Կաթողիկոսի, Սուրբ Գայանե վանքում կատարվեց Հանրապետական մաղթանքի արարողություն:

Հոգեհանգստանալու դասն ու մերկա ժողովուրդը միասնական աղոթք բարձրացրեցին առ Աստված՝ հայրենիքի անսասանության, խաղաղ եւ անվտանգ կյանքի համար:

Մայր Աթոռ Սուրբ Էջմիածնի միաբանների մասնակցությամբ կատարված մաղթանքի ավարտին Ամենայն Հայոց Կաթողիկոսը հայրապետական իր ուղերձը հղեց համայն հայ ժողովրդին:

Հոգեհանգիստ 44-օրյա ռաքերազմում զոհված քաջորդիների համար

Մեկտեմբերի 27-ին, նախագահությամբ Ն. Ս. Օ. Տ. Տ. Գարեգին Երկրորդ Ճայրագույն Պատրիարք եւ Ամենայն Հայոց Կաթողիկոսի, Սուրբ Գայանե վանքում կատարվեց հոգեհանգստյան արարողություն՝ արցախյան 44-օրյա պատերազմում զոհված հայրենյաց պաշտպանների հոգիների խաղաղության համար:

Արարողությանը մասնակցում էին Մայր Աթոռ Ս. Էջմիածնի միաբաններ եւ աշխատակիցներ, բարերարներ, քաղաքական եւ հասարակական գործիչներ, «Էօռնեկեան» համարակրթական դպրոցի մանկավարժներ եւ սաներ:



Մինչ հոգեհանգստյան արարողությունը խոսք ասաց Մայր Աթոռի լուսարարապետ Սուշեղ եպս Բաբայանը՝ անդրադառնալով 44-օրյա աղետալի պատերազմին: Սրբազանը հրավիրեց եկեղեցականաց դասին եւ մերկա հավատացյալ ժողովրդին աղոթք բարձրացնել նահատակված քաջորդիների հոգիների հանգստության, ինչպես նաեւ վիրավորում ստացածների ապաքինման եւ անհայտ կորածների վերադարձի համար:

Լրատվական նյութերը՝ Մայր Աթոռ Սուրբ Էջմիածնի տեղեկատվական համակարգի

Մայր Աթոռում տեղի ունեցած «Միջազգային կրոնական ազատություն եւ խաղաղություն» խորագրով համաժողովի ընդունած կոմյունիկեն

Միջազգային կրոնական ազատության եւ խաղաղության վերաբերյալ համաժողովը, որը գումարվել է Մայր Աթոռ Սուրբ Էջմիածնում 2021 թվականի սեպտեմբերի 9–10-ը, հատուկ ուշադրություն է դարձրել կրոնի ազատության խթանմանը եւ հոգեւոր, մշակութային եւ պատմական ժառանգության պահպանմանը:

Հանդիպելով Սուրբ Էջմիածնում, Ն. Ս. Օ. Տ. Տ. Գարեգին Բ Ճայրագույն Պատրիարք եւ Ամենայն Հայոց Կաթողիկոսի հովանավորությամբ եւ Արցախի / Լեռնային Ղարաբաղի Հանրապետության կառավարության ներկայացուցիչների ներկայությամբ, մենք՝ համաշխարհային քրիստոնեական համայնքի համաժողովի մասնակիցներս, խորապես հուզված եւ ոգեշնչված ենք հայ ժողովրդի պատմությամբ, որն առաջինն է ընդունել քրիստոնեական հավատքը որպես պետական կրոն, վերապրել է Օսմանյան կայսրության կողմից 20-րդ դարի սկզբին իրականացված ցեղասպանության ոճրագործությունը եւ Լեռնային Ղարաբաղի 2020 թվականի պատերազմի սարսափներն եւ պատմության այլ արհավիրքներ:

Հայ ժողովրդի շարունակական տոկունությունն ու հավատարմությունն իր հավատքին եւ մշակույթին արժանի են քրիստոնեական աշխարհի հիացմունքին:

Մենք վերահաստատում ենք կրոնի կամ համոզմունքների ազատության իրավունքի սկզբունքները, որոնք ամրագրված են Մարդու իրավունքների համընդհանուր հռչակագրում եւ մարդու իրավունքների միջազգային եւ տարածաշրջանային հետագա պայմանագրերում: Մենք հավատում ենք, որ այս իրավունքը պատկանում է բոլորին՝ անկախ հավատքից կամ ազգությունից, պատմությունից կամ քաղաքական հանգամանքներից:

Այս իրավունքը պատկանում է նաեւ հայ ռազմագերիներին, որոնք դեռ անօրինական կերպով գտնվում են գերության մեջ, որոնց ազատ արձակման եւ հայրենադարձության համար մենք միջնորդում ենք եւ աղոթք առաքում:

Մենք միջնորդում ենք աղոթում ենք նաեւ Արցախի / Լեռնային Ղարաբաղի ժողովրդի համար, որի ազատ եւ խաղաղ բնակության իրավունքը մարդկային սրբազան կյանքի մասն է կազմում:

Մենք շեշտում ենք սուրբ եւ պաշտամունքի վայրերի, ինչպես նաեւ կրոնական ժառանգության պահպանության խիստ կարեւորությունը կրոնական ազատության արդյունավետ իրացման եւ ազգերի ու համայնքների միջեւ խաղաղ հարաբերությունների խթանման եւ պահպանման համար: Կրոնական ազատությունների իրականացման երաշխավորման համար էական մշանակություն ունեն պաշտամունքի վայրերի պաշտպանությունը եւ դրանց ազատ հասանելիությունը:

Ավելին, սուրբ եւ պաշտամունքի վայրերը, ինչպես նաեւ կրոնական ժառանգությունները մարդկանց եւ հավատքի համայնքների ամենախոր ինքնություններն են: Հենց այս պատճառով հակամարտության իրավիճակներում դրանք հաճախ դիտավորյալ թիրախավորվում են՝ որոշակի համայնքին առավելագույն կոլեկտիվ վնասվածքներ հասցնելու համար:

Ցանկացած հարձակում ցանկացած կրոնական համայնքի վրա, լինի դա այդ համայնքի անդամների կամ այդ համայնքի հետ առնչվող վայրերի վրա, հարձակում է ընդհանրապես կրոնական ազատության վրա, եւ, հետեւաբար, հարձակում բոլոր կրոնական համայնքների վրա: Եվ քանի որ կրոնական շինություններն ու վայրերը կրոնական ինքնության կրողներ են, պաշտամունքի վայրը վնասելը իրական բռնություն է հավատացյալների անձնական եւ հավաքական կրոնական ինքնության դեմ, որ վիրավորում է նրանց ինքնությունն ու հիշողությունները:

Մյուս կողմից հոգալով սուրբ եւ պաշտամունքի վայրերի ֆիզիկական ամբողջականության մասին՝ մենք պաշտպանում ենք այն մարդկանց արժանապատվությունը, ում համար հոգեհարազատ են այդ սրբավայրերը: Եվ երբ մենք համագործակցում ենք տարբեր ազգերի, կառավարությունների եւ հավատքի համայնքների հետ՝ պաշտպանելու կրոնական ժառանգությունը, մենք ազդարարում ենք բժշկման եւ միասնության բարեփոխման ուղերձը:

Հետեւաբար, մենք միանում ենք սուրբ վայրերի Համընդհանուր կանոնակարգի հաստատմանը եւ, մասնավորապես, հետեւյալ դրույթներին.

Ի ՊԱՇՏՊԱՆՈՒԹԻՒՆ ԱՐԳԱԽԻ ՀՈԳԵՆՈՐ ԵՒ ՊԱՏՄԱՄՇԱԿՈՒԹԱՅԻՆ ԺԱՌԱՆԳՈՒԹԵԱՆ

44-օրեայ պատերազմի ավարտից անմիջապես յետոյ պարզ դարձավ, որ ադրբեջանական կողմի վերահսկողության տակ մնացած տարածքների հայկական սրբավայրերը վերստին կարիք ունեն պաշտպանություն:

Անսալով Ն. Ս. Օ. Տ. Տ. Գարեգին Բ Վեհափառ Հայրապետի 2020 թ. նոյեմբերի 27-ի կոչին՝ ԱՄՆ-ի արեւմտեան թեմի առաջնորդ Յովնան արք. Տերտերեանի անմիջական նախաձեռնությամբ 2020 թ. նոյեմբերի վերջերից արդեն նախաձեռնուեց եւ ստեղծուեց «Ի պաշտպանություն Արցախի հոգեւոր եւ պատմամշակութային ժառանգության» յանձնաժողովը՝ նպատակ ունենալով քայլեր ձեռնարկել հայկական աւելի քան 1700 յուշարձանի պահպանության ուղղությամբ: Սրբազան հօր նախագահությամբ յանձնաժողովի աշխատանքներին մասնակցելու հրաւիրուեցին անուանի հայագետներ, իրաւաբաններ, հոգեւոր հայրեր, աշխատանքներին մաս կազմեցին նաեւ, արեւմտեան թեմի հետ մէկտեղ, ԱՄՆ-ի արեւելեան թեմը, Կենտրոնական Եւրոպայի եւ Սուէտի հայրապետական պատուիրակությունը, Մեծ Բրիտանիայի եւ Իռլանդիայի թեմերը:

Մայր Աթոռ Ս. Էջմիածնի՝ Արցախի հոգեւոր-մշակութային ժառանգության գրասենեակի հետ համագործակցությամբ յանձնաժողովն ունեցաւ գրեթէ շաբաթական պարբերականությամբ առցանց ժողովներ, որոնց տարբեր առիթներով մասնակցել է 40-ից աւելի անդամ՝ տարբեր թեմերից ու հաստատություններից: Կազմակերպական հարցերի կարգաւորումը, ժողովների ատենապետությունը, նաեւ, որ ոչ պակաս կարեւոր է, համաժողովների կազմակերպման տնտեսական ապահովությունը գլխավորաբար յանձն առաւ Յովնան արք. Տերտերեանը: Ստեղծուեց եւ այժմ գործում է յատուկ համաժողովի համար ստեղծուած կայքը (<https://www.irfpeace.org>), ուր կարելի է գտնել նիւթեր համաժողովի ծրագրի, մասնակիցների եւ այլնի մասին:

Նախապատրաստական այս աշխատանքներից յետոյ սեպտեմբերի 8-ից մեկնարկեց «Միջազգային կրօնական ազատութիւն եւ խաղաղութիւն» քառօրեայ համաժողովը, որ Ս. Էջմիածնի յարկի տակ էր մէկտեղել բազմաթիւ անուանի գործիչների, քոյր Եկեղեցիների եւ քրիստոնեական կառոյցների ներկայացուցիչների, գիտնականների՝ ի մասնաւորի նպատակ ունենալով հանրահռչակել Արցախի հայկական ժառանգութեան պահպանութեան հարցերը եւ նպաստել դրանց պաշտպանութեան քայլերին: Համաժողովին անդրադարձել է «Շողակաթ» հեռուստաընկերության պատրաստած տեսանիւթը: Մենք յառաջիկային առաւել մանրամասն կ'անդրադառնանք այս հարցերին, յաւելենք միայն, որ արդէն իսկ ընթացքի մէջ է յաջորդ կոնֆերանսների կազմակերպումը, ինչպէս օրինակ՝ Չալցրուր-գում, Արեւմտեան թեմում, որոնք տեղի կ'ունենան 2022 թուականին:

Յանձնախումբի անդամների ամբողջական ցանկը.

H.E Archbishop Hovnan Derderian
Primate of the Western Diocese of the Armenian Church of North America

Archbisop Vicken Aykazian
Ecumenical Director and Diocesan Legate of the Eastern Diocese of the Armenian Church of America

Bishop Hovakim Manukyan
Primate of the Diocese of the Armenian Church in the United Kingdom and Ireland

Very Rev. Fr. Pakrad Berjekian
Parish Priest of the St. John Garabed Armenian Apostolic Church of San Diego

Very Rev. Fr. Garegin Hambardzumyan
Head of Office for Artsakh Spiritual-Cultural Heritage Issues, RA
**Staff of the Office for Artsakh Spiritual-Cultural Heritage Issues*

Anush Khurshudyan
Coordinator of the Office for Artsakh Spiritual-Cultural Heritage Issues
**Staff of the Office for Artsakh Spiritual-Cultural Heritage Issues*

Robert Avetisian
Permanent Representative of the Nagorno Karabakh Republic to the United States

Dr. Mary Papazian
President of San José State University, USA

Dr. Christina Maranci
Professor at Tufts University, Art History Department, USA

Dr. Heghnar Zeitlian Watenpaugh
Professor of Art History, Department of Art and Art History, University of California, Davis, USA

Prof. Barlow Der Mugrdechian
Berberian Coordinator of the Armenian Studies Program California State University, Fresno

Dr. Sergio La Porta
Haig and Isabel Berberian Professor of Armenian Studies Interim Associate Dean of the College of Arts and Humanities California State University, Fresno

Dr. Rachel Goshgarian
Associate Professor, Department of History, Lafayette College, Easton, USA

Dr. Hratch Tchilingirian
Associate of Faculty of Oriental Studies University of Oxford

Dr. Hagop Panossian
Analysis Research & Planning for Armenia, President

Simon Maghakyan
Visiting Scholar at Tufts University and Lecturer in International Relations at the University of Colorado Denver, USA

Dr. Jasmine Dum-Tragut
Director of the Center for the Study of the Christian East at the University of Salzburg, Austria

Jora Manoucherian
Research on Armenian Architecture, President

Norayr Poghosyan
Doctor of Philological Sciences, Associate Professor of YSU

Armineh Pogosian
United Kingdom

Ms. Malvine Hakobyan
Coordinator-Secretary of the Office for Artsakh Spiritual-Cultural Heritage Issues

**Staff of the Office for Artsakh Spiritual-Cultural Heritage Issues*

Դիան Առաջնորդարանի



Մայր Աթոռում տեղի ունեցած «Միջազգային կրօնական ազատություն եւ խաղաղություն» խորագրով համաժողովի ընդունած կոմյունիկեն

← էջ 2

• Սուրբ վայրերը պետք է պահպանվեն ներկա եւ գալիք սերունդների համար՝ արժանապատվությամբ, ամբողջականությամբ եւ հարգանքով իրենց անվան եւ դավանանքի ինքնության նկատմամբ: Դրանք պետք է պահպանվեն եւ որպէս կրօնական նշանակության վայրեր, եւ որպէս իրենց համայնքների եւ մարդկության պատմական, մշակութային եւ բնապահպանական ժառանգություն: Նրանք չպետք է պղծվեն կամ վնասվեն, ոչ էլ կրօնական համայնքները հարկադրաբար զրկվեն իրենց սուրբ վայրերից:

• ...բոլոր կողմերը պետք է նպաստեն սուրբ վայրերի պահպանմանը, ընդունեն ուրիշների սուրբ վայրերի նշանակությունը որպէս պաշտամունքի վայրեր եւ ինքնության վայրեր, հարգեն այլոց կրօնական զգացմունքները այդ վայրերի նկատմամբ եւ շեշտեն դրանց հոգեւոր արժեքը, այլ ոչ թէ որեւէ ռազմավարական, տարածքային կամ ռազմական նշանակությունը: Չի կարելի մերժել մարդկային խմբի կապվածությունը սուրբ վայրին:

Մենք նաեւ ընդունում եւ հաստատում ենք ՄԱԿ-ի Գործողությունների ծրագրի համապատասխան դրույթները կրօնական վայրերի պաշտպանության համար. ՄԱԿ-ի Գործողությունների ծրագիրը կրօնական առաջնորդների եւ դերակատարների համար՝ կանխելու բռնության հրահրումը, որը կարող է հանգեցնել վայրագ հանցագործությունների. Համաշխարհային ժառանգության կոմիտեցիա եւ Համաշխարհային ժառանգության կոմիտեցիայի շրջանակներում կրօնական ունեցվածքի պաշտպանության մասին հայտարարությունը:

Ինչ վերաբերում է 2020 թվականին հակամարտությունից հետո Արցախում / Լեռնային Ղարաբաղում տիրող իրավիճակին, որն իրականացվել է Ադրբեջանի կողմից եւ աջակցվում է նրա դաշնակիցների կողմից, մենք խորապէս տագնապաժ ենք ներկայումս նրա վերահսկողության ներքո գտնվող տարածքներում հայկական կրօնական եւ մշակութային ժառանգության ոչնչացման, վնասի եւ պղծման բազմաթիվ հաղորդագրություններից:

Մեր մտահոգությունը սաստկանում է, երբ մենք հիմնավորված կերպով տեղեկանում ենք Զուլայում, Նախիջևանում եւ Ադրբեջանի այլ վայրերում համաշխարհային ժառանգության նշանակություն ունեցող հայկական պատմական վայրերի համակարգված բնաջնջման մասին:

Այսպիսով՝ մենք.

–Կոչ ենք անում Ադրբեջանի կառավարությանը՝ անհապաղ եւ անադել կերպով թույլատրել միջազգային փորձագետներին եւ դիտորդական առաքելություն իրականացնողներին մուտք գործել Արցախի / Լեռնային Ղարաբաղի այն տարածքները, որոնք վերջերս հայտնվել են Ադրբեջանի վերահսկողության տակ, ինչպէս նաեւ Նախիջևանի եւ Ադրբեջանի այլ վայրեր՝ անկախ գնահատում իրականացնելու համար:

–ՅՈՒՆԵՍԿՕ-ին կոչ ենք անում այս ոլորտներին գնահատման առաքելությունը դարձնել հրատապ գերակայություն:

–Խրախուսում ենք երկխոսության եւ համագործակցության մախաձեռնողական եւ կանոնավոր ներգրավումը, թէ խոսքի եւ թէ ներգործում համերաշխության փորձերը, երբ թիրախում են կրօնական վայրերը եւ այլ կրօնների ու հավատքների հավատացյալները:

–Միջազգային հանրության բոլոր անդամներին համերաշխության եւ միջամտության կոչ ենք ուղղում՝ հայ ժողովրդին եւ համայնքներին երաշխավորելու այն նույն իրավունքները, որոնք միջազգային իրավունքի եւ բարոյական պատասխանատվության ուժով վերապահված են բոլորի՝ ներառյալ կյանքի իրավունքները, կրօնի կամ համոզմունքների ազատությունը, ինչպէս նաեւ մշակութային արտահայտումն ու ինքնորոշումը:

–Մեր եւ համաշխարհային Էկումենիկ ընկերակցության սերտ քրիստոնեական աջակցությունն ենք արտահայտում Հայ Եկեղեցուն: Մենք կանգնած ենք Հայ Եկեղեցու, նրա ժողովրդի, նրա սպասավորության եւ քրիստոնեական վկայության կողքին:

–Խոստանում ենք շարունակել համատեղ աշխատանքը Սուրբ Էջմիածնում միասին՝ այս օրերի ընթացքում բարձրացված խնդիրների եւ մտահոգությունների լուծմանն ուղղված գործողությունների ավելի մանրամասն ծրագրի մշակման եւ իրականացման ուղղությամբ:

**2021 թվականի սեպտեմբերի 10
Կազմակերպիչ հանձնախումբ**

ԱՅՐԻՎԱՆԲ (ԴԵՂԱՐԻՎԱՆԲ) ԵՒ ՍՈՒՐԲ ԴԵՂԱՐԻ

Սկիզբը՝ թիվ 16–17

Սուրբ գեղարդը Մայր Աթոռում մնում է մինչև 1805 թ., երբ իշխան Ցիցիանովն անհաջող փորձ է անում պարսիկներից գրավելու Երեւանը, բայց մահաճշմարտացի հրամայում է Էջմիածնի վանքից Մայր Աթոռին պատկանող որոշ թանկագին իրեր, այդ թվում՝ սուրբ գեղարդը, տանել Վրաստան՝ պատճառաբանելով, թե իբր պարսիկները կգան եւ կթալանեն դրանք։ Եվ այսպես գեղարդը, ընդամենը հինգ տարի մնալով Ս. Էջմիածնում, դարձյալ հայտնվում է Թիֆլիսում ու պահվում մինչև 1809 թվականը։

1809 թ. Ռուսաստանի հայոց թեմի առաջնորդ Եփրեմը կաթողիկոս է ընտրվում (Եփրեմ Ա Ձորագեղցի, 1809–1830 թթ.) ու Թիֆլիսով Էջմիածին գնալիս հետ է վերցնում վանքի սրբությունները, այդ թվում՝ սուրբ գեղարդը։ Այս անգամ արգելք չի լինում, որովհետև Վրաստանն արդեն գտնվում էր ռուսական տիրապետության տակ։

1811 թ. Թիֆլիսում նորից ժամտախտ է բռնկվում։ Տեղի հայերի ու գեներալ Տորմասովի միջնորդությամբ սուրբ գեղարդը նորից տարվում է Թիֆլիս եւ պահվում մինչև համաճարակի ավարտը, ապա վերադարձվում Հայաստան։ Բայց շատ չանցած՝ 1814 թ., Թիֆլիսում դարձյալ համաճարակ է տարածվում, եւ այս անգամ գեներալ Ռուիշչեւի խնդրանքով սուրբ գեղարդը կրկին Թիֆլիս են տանում, որտեղից վերադարձնում են միայն 1815 թ.՝ համաճարակի դադարից հետո։

Այնուհետև հիշատակվում է, որ Մայր Աթոռից սուրբ գեղարդը Երեւան են տարել անդրելու կարոտյալներին ու վատառողջներին, քանի որ տեղի բնակչության մեջ սոսկալի ջերմախտ էր տարածվել։

Երբ 1828 թ. սկսվում է ռուս-թուրքական պատերազմը, պաշարված Բայազետը գրավելուց հետո ժողովրդի մեջ սկսում է մոլեգնել ժամտախտը, ինչի պատճառով զորքին նույնիսկ ոչնչացում էր սպառնում։ Գեներալ Ալ. Ճավճավաձեի հրամանով Մայր Աթոռից բերում են սուրբ գեղարդը, որը տանում են տնից տուն, փողոցից փողոց ու հիվանդանոցներ, եւ որտեղ երևում էր սուրբ գեղարդը, Տիրոջ այդ սրբության համդեպ հավատի շնորհիվ, մարդկանց ցավերը դադարում էին, ու համաճարակը կանգ էր առնում։ Դեռ հազիվ Էջմիածին չվերադարձրած, լուր է գալիս, որ Սուրմալուի գավառի գյուղերում՝ հատկապես Կողբի աղահանքերում, մարդկանց կյանքը հնձող համաճարակ է բռնկվել։ Եվ սուրբ գեղարդը մի եպիսկոպոսի հետ այնտեղ տանելով ու պատեցնելով համաճարակի օջախներում՝ Աստծո հրաշքով դադարում է համաճարա-

կը, եւ մարդիկ ապաքինվում են։ Այս մասին իմանալով՝ ռուսական բանակի Կովկասյան կորպուսի հրամանատար գեներալ Պասկեւիչը 1829 թ. փետրվարի 12-ին խիստ մամակ է գրում Եփրեմ կաթողիկոսին՝ պահանջելով այսուհետ արգելել եւ առանց իր գիտության սուրբ գեղարդը չտանել համաճարակի վայրերը, քանի որ, ըստ նրա, ամբողջի խմբվելու պատճառով այնտեղ խախտվում են ձեռնարկված բժշկական կարանտինային կանոնները։ Այդ էլ լինում պատճառը, որ 1830 թ. ամռանը Թիֆլիսում բռնկված համաճարակի ժամանակ Հայոց կաթողիկոսը մերժում է սուրբ գեղարդը այնտեղ տանելու խնդրանքը, քանի որ գեներալ Պասկեւիչը դեմ էր դրան։

1846–1847 թթ.՝ Այսրկովկասում սկսված համաճարակի ժամանակ, ցարական իշխանությունները չարգելեցին սուրբ գեղարդը դուրս հանելը։ Գեներալ Պյոտր Լադիմսկին մամակ-խնդրանքով դիմեց Ներսես Ե Աշտարակեցի՝ «Պաշտպան հայրենյաց» կաթողիկոսին (1843–1857 թթ.), որ թույլ տան սուրբ գեղարդը տանել համաճարակով վարակված վայրերը, որտեղ նաեւ շատ մահմեդականներ կան, որոնք, տեսնելով քրիստոնեական սրբության միջոցով կատարվող հրաշքերը, միգրացե կազդվեն ու իրենք էլ դարձի կգան եւ Քրիստոսին կհավատան։ Հայոց հայրապետի թույլտվությամբ՝ սուրբ գեղարդը 1846 թ. տանում, պատեցնում են Նախիջևանի, Երեւանի գավառների գյուղերում, ապա 1847 թ. տանում Թիֆլիս ու համաճարակի դադարից հետո նորից Մայր Աթոռ վերադարձնում։

1920 թ.՝ Երեւանում բռնկված ժամտախտի ժամանակ, սուրբ գեղարդը Էջմիածնից դուրս չբերվեց, ու հազարավոր մարդիկ մահացան։

Այսքանից հետո, եթե դեռ կա հայորդի, որ չի տեսել սուրբ գեղարդը ու չի եղել գեղարդավանքում (եթե, իհարկե, հնարավորություն է ունեցել այցելելու), թող խորհի, թե ինչ թանկ բան է կորցրել։

Այժմ սուրբ գեղարդը պահվում է Մայր Աթոռ Ս. Էջմիածնի թանգարանում։ Գեղարդի արծաթե մասնատուփ-պահարանը 1687 թ. պատրաստել է տվել Դավիթ եպս Պռոշյանը։ Հայոց կաթողիկոսները մյուռն-օրհնության ժամանակ Լուսավորչի աջի հետ սուրբ գեղարդով եւս օրհնում են սրբալույս մյուռնը։

2015 թ. Ն. Ս. Օ. Տ. Տ. Գաբեգին Բ Ծայրագույն Պատրիարք եւ Ամենայն Հայոց Կաթողիկոսի հայրապետական սրբատառ կոնդակով Հայոց Եկեղեցու հիմնադիրներ Ս. Թադեոս եւ Ս. Բարդուղիմեոս առաքյալների տոնը հռչակվել է Աստվածամուկ սուրբ գեղարդի ուխտի օր՝ ի գոհացում



բարեպաշտ հայորդյաց եւ օտարազգի ուխտավորների։ Այդ օրը սուրբ գեղարդը բերվում է Մայր տաճար՝ հայոց առաջին լուսավորիչներ Ս. Թադեոս եւ Ս. Բարդուղիմեոս առաքյալների տոնի առիթով մատուցվող սուրբ եւ անմահ Պատարագին։ Պատարագի ավարտին բարեպաշտ հավատացյալները հնարավորություն են ունենում համբուրելու, հպվելու այդ սրբազան մասունքին եւ ստանալու հրաշագործ սուրբ գեղարդից բաշխվող օրհնությունն ու շնորհները։ Սուրբ գեղարդը Մայր տաճարում մնում է մինչև նույն օրվա ուշ երեկո։

* * *

Հիմնավորց ժողովրդական մի ավանդություն հայտնում է, թե Գեղարդավանքը կառուցել են մի ազնվատոհմիկ ընտանիքից սերող քույր ու եղբայր։ Երկար խորհելուց հետո նրանք փափագում են իրենց մահվանից հետո անմար հիշատակ եւ բարի անուն թողնել աշխարհում։ Ու որոշում են թողնել աշխարհիկ կյանքը, առանձնանալ եւ մարդկանցից հեռու այդ ձորի մեջ մեծաստան կառուցել։ Երկար ժամանակ չկարողանալով որոշել կառուցվելիք մեծաստանի վայրը, թե որտեղից պետք է սկսել գործը՝ եղբայրը դիմում է Աստծո օգնությանը. նա իր սրտաբուխ աղոթքներով խնդրում է Աստծուն օգնել իրեն։ Այգաբացին արթնանալով՝ նա մոտակա լեռկ ժայռի կատարին մշմարում է իր կռանը (մուրճ)։ Եղբայրը կռահում է, որ մեծաստանի կառուցումը

հենց այդ տեղից էլ պետք է սկսել։ Եվ քույր ու եղբայր անմիջապես գործի են անցնում։ Եղբայրը ջարդում է ապառաժ վեճը, իսկ քույրն էլ ջարդված քարերը, մագերի մեջ դնելով, բարձրացնում է ձորն ի վեր։ Նրանց տքնաջան աշխատանքը երկար տարիներ է տևում։ Ի վերջո, քույր ու եղբայր ավարտում են իրենց ուխտած մեծաստանի կառուցումը։ Գեղատեսիլ ձորում, քանց աղամանդ, շողշողում է հրաշագեղ վանքը։ Քույր ու եղբայր մինչև իրենց երկնամկեր կյանքի վերջը աստվածային սիրով ու հավատով ապրում եւ ծառայում են իրենց ձեռակերտ մեծաստանում։ Այդտեղ էլ կնքում են իրենց մահկանացուն՝ մեզ ավանդելով այս գրույցն ու հրաշագեղ Գեղարդավանքը։

* * *

Գեղարդավանքի հրաշագործությունների համբավը դուրս էր եկել Հայկական լեռնաշխարհի սահմաններից ու տարածվել հարեւան ու հեռավոր երկրներում։ Ասում են, թե մոնղոլների առաջնորդ, արնածառավ Լենկ Թեմուր զորապետին լուր են տալիս, որ հրաշագործություններով հռչակված Գեղարդավանքում է պահվում Հայոց աշխարհի յոթ ձիաբեռ աղամանդը։ Ազահ բռնակալը որոշում է անձամբ գլխավորել արշավանքը, տիրանալ այդ թանկարժեք գանձին ու փորձել սուրբ գեղարդի զորությունը։ Անհաշիվ զորքով նա ասպատակում է Հայաստան, հասնում Գեղարդաձոր։

→ էջ 6

Բանաստեղծական շեղվում՝ հսկուն հայ դարի

Թողեք, որ խոսեն բանաստեղծները...
Ս. Կապուտիկյան

20-րդ եւ 21-րդ դարերի սահմանագծին ժայթքեց հայ տաղանդաշատ բանաստեղծ Սամվել Մարգարյանի հրեղեն խոսքը, բանաստեղծի, որի երակներով հոսում էր պատմական հայրենիքի՝ անզուգական Մշո դաշտի բնիկ տերերի արյունը, որ այլեւս ոչ ոք եւ ոչինչ չէին կարող արգելակել կամ կանգնեցնել։

Նա պիտի խոսեր բանաստեղծական ոգեղեն լեզվով եւ խոսեր իր կորուսյալ հայրենիքի անունից՝ այդ նույն հայրենիքի անցյալից, ներկայից ու ապագայից։

Շուրջ երեսունհինգ գրքի հեղինակ է Սամվել Մարգարյանը։ Վերջինը «Վան Արյան» հրատարակչության գեղեցիկ ձեւավորմամբ լույս է տեսել օրերս՝ «Մեծ Հայք» անչափ խորհրդանշական վերնագրով։ Գիրքը նվիրված է Արցախյան այս պատերազմում զոհված քաջ հայորդիների հիշատակին։ Ժողովածուն բացվում է «Այնտեղ՝ Արցախի կապույտ լեռներում» շարքով։ Հուզախռով երգերի շարք է՝ հայ մարդու հոգին գոտետրող ու ոգեզինող.



Սթափվիր, երկիր, եւ ոգեզինվիր,
Մերտիր դասերը նոր ժամանակների,
Որն էր սխալը, եւ ինչն էր թերի,

Սթափվիր, երկիր, եւ ոգեզինվիր:
Դու ճանփա ունես երկար ու երկար,
Նոր հեռաստաններ հաղթանակների,
Սթափվիր, երկիր, եւ ոգեզինվիր,
Մերտիր դասերը նոր ժամանակների:

Բանաստեղծի քնարն արձագանքում է մեր պատմության խորախորհուրդ խորքերին, մեկ առ մեկ վերհիշում փառքերը հայոց եւ հնչեցնում հուսո, լավատեսության ու զգաստության դողաճններ.

Արցախ, տոկուն ես մարտնչում, հաղթում,
Գոյակռիվդ դեռ չի ավարտվել,
Դու շղթաներդ անդունդ ես մետել,
Արցախ, տոկուն ես մաքառում, հաղթում,
Մեր հին թշնամին ծուղակ է լարում,
Մեր նոր թշնամին պարզել է գեները,
Արցախ, տոկուն ես մաքառում, հաղթում,
Գոյակռիվդ դեռ չի ավարտվել:

Մեր ժողովրդի մղած 44-օրյա պատերազմը նրա բանաստեղծ որդու սրտում եւս թողել է խորին վշտի, ցավի ու թախծի հետագիծ, որն այնպես ալիքվում ու ելեւէջվում է նրա բոլոր տողերում.

Թախծում են հիմա նորեկ ձյուները
Այնտեղ՝ Արցախի կապույտ լեռներում,
Մատղաշ ծիլերն են ցավից արթնանում,
Թախծում են հիմա նորեկ ձյուները:

Սամվել Մարգարյան բանաստեղծը ոչ միայն սույն ժողովածուով, այլեւ իր համակ տեղծագործությամբ արդեն իսկ դարձել է Հայ դատի ոգեղեն պաշտպանը եւ այդ դատը աշխարհի առջեւ պաշտպանում է շիտակ, ոգեշունչ բանաստեղծական խոսքով, ազնիվ ու առաքինի վարքագծով։ Նա մեր ժողովրդին մղում է միասնականության ու համախմբման.

Սարդարապատում մենք խելքի եկանք,
Որ միասնությամբ են հաղթում թշնամուն,
Լեռնացած ազգը երբեք չի պարտվում,
Սարդարապատում մենք խելքի եկանք:
Սարդարապատում մեր ուժը տեսանք
Մեր ռազմի ոգու տարերքը անհուն,
Սարդարապատում մենք խելքի եկանք,
Որ միասնությամբ են հաղթում թշնամուն:

Արմեն ԿԱՐԱՊԵՏՅԱՆ
Պատմական գիտ. թեկնածու

Վաթսուռականների արձակագիրներ. Ժամանակը եւ հերոսը

Սկզբը՝ թիվ 12–17

Բնության, բնական ազատության եւ քաղաքակրթության որոշ կողմերի անխուսափելի բախումը Մաթեոսյանի ստեղծագործության կարեւոր շերտերից մեկն է, որ նաեւ սկզբունքային դիրքորոշում է: Իսկ այդ սկզբունքներն իր մեջ կրող անհատը դառնում է հերոսների պատկերաշարի այն գլխավոր դեմքերից մեկը, որը նոր գաղափարական բովանդակություն է հաղորդում ժամանակակից հայ արձակագիր:


Մաթեոսյանի ստեղծագործության երկրորդ հիմնական շերտը կյանքի տառապանքն է, այն դժվարին ու հոգեմաշ ընթացքը, որ կոչվում է դիմակայած կյանք: Ստեղծագործության այս կողմն առավել խորությամբ արտացոլված է «Բեռնաձիներ» շարքի գործերում եւ «Երկրի ջիղը» վիպակում: Քիչ ընդհանրացված ու վերացարկված հայացքով նայելիս գրեթե ոչ մի տարբերություն չի կարելի տեսնել Ալխոյի՝ չարքաշ ու տանջված բեռնաձիու եւ Աղունի՝ ծանր ու դժվարին կյանք ապրած կնոջ միջև: Ինչո՞ւ է այդպես. որովհետեւ կյանքը սրանց համար պարգև է չի եղել, սրանք ծնվել են որպես կյանքի որբեր եւ իրենց գոյության ամբողջ ընթացքում որբի չարքաշությամբ մաքառել մի պատռա հողի եւ մի ծանածված ու գունաթափ երջանկության համար: Կյանքի որբերի կողքին հեղինակն ստեղծում է նաեւ նրանց հակապատկերները. մի կողմից Ալխոն է, մյուս կողմից՝ փառահեղ ու հրեղեն Նարինջ զամբիկը, նարնջագույն հովատակը, որը կկոտի ու կծվատի չարքաշ բեռնաձիուն, մի կողմից Աղունն է, մյուս կողմից՝ ծորում հսկայական մարմինը գետափի արեւին տված, իր յուղերի մեջ ձենձերացող վիթխարի կինը, մի կողմից «Սկիզբը» պատմվածքի՝ կյանքի դառնությունների միջից աշխարհին նայող պատանի հերոս Արայիկ Քառյանն է, մյուս կողմից՝ լվստված, կուշտ ու կուռ, երես առած, շոյված ու փայփայված մեկ ուրիշ պատանի հերոս՝ Լեռնիկ Արզումանյանը, որը կծեծի Արայիկին, իսկ Արայիկը չի կարողանա ձայն

հանել, որովհետեւ փոքրուց շիլ Եղըշի տղա են ասել, ծաղրել են ու խեթել, արհամարհել ու խոսքերով, հայացքներով թունավորել նրա ու նրա մտածների կյանքը: Իսկ հետո հեղինակը կաշխատի ոխ ու քեն որոնել իր տանջված ու տառապած հերոսների մեջ («Ծառերը»), բայց չի գտնի, որովհետեւ կյանքի դառնությունները, չարքաշությունը, արհամարհանքը նրանց մեջ սպանել են ամեն մի ուժ, եւ նրանք ոչ թե բարությունից, այլ խեղճությունից կմնան անքեն ու անոխակալ, եւ նրանց մայրը դառնությամբ ու չիրականացված սպասումներով կասի. «Լավը չես, խեղճ ես, լավը չես, զավակս, որդիս, առջմեկս, իմ հույսս, իմ թանկս, լավը չես, մեղք վրեժ չկա» («Ծառերը»): Իսկ վրեժը պետք էր կյանքի արհամարհանքն սպանելու համար, ստորացումների դեմ կռվելու համար, սակայն այդ զգացողությունը մեռած է նրանց մեջ, եւ նրանց արյունը երբեք էլ «զոհվում ու քիմոտ» չի դառնա: Համակերպությունը նրանց արդեն իսկ դարձրել է խեղճ ու խոնարհ, նեթակա ու ստրուկ...

Հեղինակի համակրանքը կյանքի տառապանքը քաշած Աղունի, բեռնաձիու եւ վիրավորված ու անպատված զգացմունքների տեր շիլ Եղըշի տղայի կողմն է, որովհետեւ նրանք են երկրի ջիղը, կյանքի արմատը: Եվ անգամ շքեղ տեսքով ներկայացնելով բնության փառահեղ կերտվածքին՝ նարնջագույն հովատակին՝ «հուրիրացող նարինջն այդ կանաչ աշխարհի մեծ արեգակի տակ վառվելով թռչում էր դեպի Էն խեղճ բեռնաձիւն, ասես քամին հրդեհ էր փախցնում, եւ պղնձագույն պոչը հազիվ էր պոկվում, հազիվ էր հասցնում նրա ետևին» («Օգոստոս»),– նա հետագայում, երբ կրկեսում տեսնում է ձիուն՝ շոյված ու վարժեցված, վերջնականապես ճշտում է իր վերաբերմունքը. «Եվ տեսնելով նրա ճարպուտ, ամեն օր քորվող, վացվող, յուղվող գավալը, ես զգացի, որ նրան ատում եմ, եւ որ իմ մեջ կարծր է բեռնաձիւն՝ բուռներից քրքրվող, երեխաներից ծեծվող բեռնաձիւն, հովատակից արհամարհված, հովատակի սարսափը ջլերի մեջ եւ առջեւը ծղոտ»:

Տառապանքի եւ չարքաշ, դժվարին կյանքի լվկված պոռթկան՝ տխուր ու թախծոտ, բայց նաեւ իր գոյատևման ճիգերի մեջ համառ մի կարծրություն է ստանում «Երկրի ջիղը» վիպակում: Շան կյանքը քաշած մարդու դժվարին ճակատագրի նկարագրություն է ամբողջ վիպակը: Կյանք չտեսած, լավ օր չապրած կին է Աղունը: Ամբողջ կյանքում սպասել է մի լավ բանի, իսկ թե ինչի, ինքն էլ չգիտի: Կյանքն այնպես է կոտրում նրան, ծանծանում իր մամլակի մեջ, որ թվում է, թե ուր որ է նա կհոգնի մաքառելուց եւ կդադարի դիմադրել կյանքի հարվածներին: Երեք օրական է եղել Աղունը՝ մեռել է մայրը, դարպասեցի մերացում նրան օր չի տվել, հայրը սնել է սոսկ դատարկ խոստումներով, հարս է եկել Ծնակուտ, բզկտվել տնեցիների կողմից, արհամարհված ու կիսաքաղց վիճակում օրեր է լուսացրել, նրան «առնառու» են կանչել ու ծեծել. «Սրանք աղի արտասուք են դարձրել մեր բոլորի ուրախությունները»: Բայց նա ապրել է, ապրել տան դռանը կապված՝ ծեծվող, բայց հավատարիմ շան մնան, եւ ոչ միայն դիմացել է կյանքի հարվածներին, այլեւ տուն ու տեղ է դրել, երեխաներ մեծացրել, կռվել իր իրավունքների համար եւ հիմա, հյուծված ու մաշված, գնում է քաղաք, գնում է մեծ որդու տուն ու նրան բաժին է տանում: Թվում է, թե հասել է երջանկության րոպեն...

Դժվար ու ծանր կյանքի այս պատկերները Մաթեոսյանի ստեղծագործության երկրորդ ու կարեւոր շերտն են, նրա հերոսներն այստեղ երեսում են անվերջ մաքառումների մեջ եւ կյանքի գնով նվաճում իրենց լինելու, ապրելու իրավունքները: Այս դժվարին նվաճումն է, որ ավելի արժեքավոր է դարձնում նրանց



թեւ չնչին, բայցեւայնպես առկա հաղթանակները, որոնք թեւ կազմված են անվերջ պարտություններից, սակայն, ի վերջո, հաղթանակ են, որովհետեւ այդ պարտությունները չեն ոչնչացրել նրանց, այլ դարձրել են ավելի դիմացկուն ու համառ:

Մաթեոսյանի ստեղծագործության երրորդ շերտը կապվում է «Խուսմիար» վիպակի հետ, մեկ օրվա անցուդարձ ընդգրկող դեպքերի մեջ, որոնք են՝ Միքելանջելո Անտոնիոնի «Գիշերը» ֆիլմի դիտումը, քննարկումը, ժամանցն ասպիրանտ Եվա Օգերովայի հետ, հանրակացարանում Նադյայի հետ կապված պատմությունը, ծեծը, մանկության հիշողությունները, տնից ստացած ծանրոցը, խնձորի բույրը, իր նման մարդկանց հետ ունեցած շփումները եւ այս ամենն իրար շաղկապող, լրացնող այլ անցքեր,– նա ներկայացնում է հերոսի մի նկարագիր, որի ակունքները գտնվում են գյուղում եւ կապվում ծնակուտյան մթնոլորտի հետ, իսկ ինքը հիմա կյանքի նոր վիճակներ է ապրում աշխարհի խաչներովներից մեկում՝ Մոսկվայում, եւ ակունքների ու ներկա օրերի զուգակցումով ամբողջացնում իր զգացողությունների համակարգն ու գաղափարների շղթան:

➔ էջ 7

Կորոնավիրուս

Սկզբը՝ թիվ 16

Կորոնավիրուսային համավարակի ընթացքում մարդկանց հոգեբանությունն էականորեն փոխվել է. համատարած փսիխոզից միմյնեւ կյանքի արժեքների վերանայում, գնահատում: Ըստ մեյորիմզգվիստ Տ. Չերնիգորսակայայի՝ մինչ պանդեմիան աշխարհում տիրում էր մարդկային ամենակարողության զգացումը: Այս ընթացքում, այնուամենայնիվ, այդ զգացումը որոշակիորեն ի չիք դարձավ, եւ սկսվեց արժեքների վերագնահատում: Անցկացված հարցումները միանշանակորեն հաստատեցին ուսումնասիրության արդյունքները:

Ստորեւ ձեզ ենք ներկայացնում դրանցից մի քանիսը.


– Ես միանշանակ կողմ եմ դավադրության տեսության: Ըստ իս՝ սա նախապես զծագրված եւ պլանավորված է եղել մեզ համար անտեսանելի եւ անհասկանալի ուժերի կողմից: Միանշանակ դա անհերքելի փաստ է, որ պանդեմիան ռադիկալ փոխել է մեր կյանքը եւ այսօրվա իրականությունը: Ես համամիտ չեմ Լայթմանի կարծիքի հետ, թե համավարակը կբերի դրական փոփոխություններ: Միմիայն սեփական վախերը հաղթահարելով՝ մենք կկարողանանք վերապրել մարդկային այս պատիժը:

– Իմ կարծիքով՝ համավարակի շնորհիվ մենք սկսեցինք գնահատել մեր կյանքում կարեւոր բաներ, որ նախկինում չէինք գիտակցել: Ես միանշանակ համաձայն եմ Տ. Չերնիգորսակայայի հետ, որ կորոնավիրուսն առաջնայինը երկրորդականից զատելու միջոց դարձավ:

– Իմ կարծիքով՝ համաշխարհային պանդեմիայի բերած այս վիրուսն ստեղծված է եղել լաբորատոր պայմաններում: Վստահ չեմ կարող ասել՝ դա դիտավորություն է եղել, թե՞ մարդկային անփութություն, որ վիրուսը տարածվել է ամբողջ աշխարհով մեկ՝ բեկելով համատարած լոքդաունին: Այդուհանդերձ, անհերքելի փաստ է, որ այս պատմության մեջ շահում են միայն դեղագործական ընկերությունները:

– Լսելով Միխայիլ Լայթմանի եւ Նատալյա Չերնիգովսկայայի կարծիքները կորոնավիրուսի մասին՝ կարծես թե մի պահ հիստանվում ես հակասությունների աշխարհում: Կարծիքները խիստ տարբեր են, բայց միեւնոյն ժամանակ պարունակում են կարեւոր փաստեր այսօրվա իրականության մասին:

Ըստ Միխայիլ Լայթմանի՝ կորոնավիրուսային համավարակը ոչ այլ ինչ է, եթե ոչ հնարավոր գալիք պատերազմների «փրկողակ»: Կորոնավիրուսի «հայտնվելը» մեր կյանքում ունի կարեւոր նշանակություն: «Շնորհիվ» կորոնավիրուսային մեկուսացման՝ մենք ունենում ենք հնարավորություն ավելի



արժեւորելու այն, ինչ ունենք՝ մասնավորապես մեր ընտանիքը: Մենք սկսում ենք ավելի լավ ճանաչել ու սիրել մեր հարազատներին, եւ սա բերելու ամենակարեւոր կետն է «քովիդային իրականության»:

Մյուս կողմից՝ լսելով Տատյանա Չերնիգովսկայային՝ հասկանում ես, որ այսօրվա առանց այն էլ իրարից կտրված իրականությունն ավելի է աղավաղվում պանդեմիայի պատճառով: Մեկուսացում, չփման բացակայություն, օտարացում, հեռավոր ուսուցում: Ըստ նրա կարծիքի՝ սա չարիք է հատկապես գալիք սերունդների համար:

Ես կարծում եմ՝ քովիդի համավարակը մեկ խնդիր լուծելու նպատակ ունի՝ ազատել մոլորակը գերծանաբեռնվածությունից: Այն նաեւ ցուցիչն է փաստի, որ մարդը չափից շատ է խառնվում բնության «գործերին», եւ համապատասխանաբար՝ նրա նպատակն է՝ կրճատել բնակչության թիվը, օտարացնել ամձանց, քչացնել կամ վերացնել միջամձնային շփումները, ինչը տարիներ հետո դեմոգրաֆիկ լուրջ խնդիր է հանգեցնելու, ազդել կրթության որակի վրա, հասարակությանը դարձնել ոչ գրագետ, ինչն էլ հոյ է մի շարք վտանգներով:

Իսկ պատվաստումների մասին թույլ տվեք առայժմ լռել:

– Մենք քնեցինք մի աշխարհում, բայց արթնացանք բոլորովին այլ աշխարհում: Վաճա լիճն ու Լոթամարի եկեղեցին այլեւ կանչող, անկրկնելի հրաշք չեն, Փարիզը՝ արվեստի

կենտրոն, հրապուրող քաղաք, Եգիպտոսը, Հնդկաստանն ու Հիմաստանն այլեւս հրավիրող, զարմանահրաշ երկրներ չեն:

Գրկախառնություններն ու համբույրները դարձան մարդ սպանելու, մարդ վերագինելու միջոց՝ «զենք»: Ծնողներին, բարեկամներին, ընկերներին չայցելելը դարձավ «սիրո եւ հոգատարության» արտահայտություն:

Մարդն սկսեց հասկանալ, որ իշխանություն, փառք, հարստություն, կալվածքներ ունենալը ոչինչ չարժե, չի կարող տալ թոքերիդ այդքան անհրաժեշտ թթվածին, փրկել քեզ մահվան ճիւղաններից:

Իսկ այդ ընթացքում բնությունը շարունակում է ապրել: Ավելին՝ փթել, ավելի ծաղկել, գեղեցկանալ, ուրախանալ:

Եվ, թվում է, թե ասում է. «Մարդ արարած, քո ներկայությունը ոչ միայն ցանկալի, փնտրելի չէ, ավելին՝ անհրաժեշտություն չէ»: Չողը, օղը ջուրը, երկինքը լավ էլ կան առանց մարդու, ապրում են: Նրանք կարծես ասում են. «Եվ երբ դուրս գաս այդ կալանքից, քո իսկ ստեղծած վանդակից, հիշիր, որ դու իմ հյուրն ես եւ ոչ տերն ու տիրակալը»:

Խաղաղ օվկիանոսում քո կուտակած աղբից ԱՄՆ-ի տարածքին հավասար կղզի է գոյացել: Հազարամյակներ են պետք, որ այն վերանա կամ վերամշակվի: Իսկ արդյո՞ք հազար տարի հետո այսօրվա մարդկությունը գոյություն կունենա... Շատերն են տարակուսում, որովհետեւ մարդ արարածը երկրագունդը մեծ արագությամբ զլորում է դեպի անդունդ, գրկում է նրան կյանքի իրավունքից, այսպիսով՝ երկիրը դարձնելով անկենդան մի մոլորակ: Եվ ո՞ր պիտի փախչի մարդկությունը. տառացիորեն ոչ մի տեղ:

Անիմաստ է երագել Մարսի եւ որեւէ այլ մոլորակի մասին: Ի՞նչ է, այնտեղ նույն այլանդակությունները չպիտի՞ անի մարդը...

Քանի դեռ մարդկությունն իրեն չի վերանայել, չի ուղղել, շտկել իր բնությունը, էությունը, չի հրաժարվել իր եսակենտրոնությունից ու եսասիրությունից, չի դարձել ալտրոիստ, ոչինչ չի փոխվի: Միայն այդ դեպքում մարդկությունը ապագա կունենա:

Իսկապես, եթե չփոխվենք, կամաց-կամաց մենք մեզ կթաղենք մեր իսկ ստեղծած աղբանոցի մեջ:

Պոտերը սրանից 60 տարի առաջ ասում էր՝ գիտությունը, տեխնիկան, տեխնոլոգիաները զարգանում են անմախադեպ տեմպերով: Եվ եթե խիճը, բարոյականությունը դրանց զուգահեռ, համընթաց չգնան, ապա մարդկությունը, անդունդից բացի, այլ տեղ չունի գնալու: Նա սեփական ձեռքերով կփոքի այն փոսը, անդունդը, որի մեջ ինքն իրեն կզորի, կթաղի: ➔ էջ 8

ԱՅՐԻՎԱՆԲ (ԴԵՂԱՐԴԱՎԱՆԲ) ԵՒ ՍՈՒՐԲ ԴԵՂԱՐԴ

← էջ 4

Լենկ Թեմուրին ուղեկցում են համարա-
միտ ճարտարապետ Գալթազի՝ միակտոր
ժայռի մեջ փորած եկեղեցին, որտեղ, իբրեւ
թե, պահվում էր Հայոց աշխարհի յոթ ձիա-
բեռ աղանմանը:

– Համարածին կոթող է, ժայռեղեն գո-
հար,– զեկուցեցին սարսափազդու զորա-
պետին:

– Բայց մեր ինչքն է պետք սա: Ոչ ավերել
կարող ենք, ոչ էլ շալակել ու տանել:

– Ասում են, թե հենց այս ժայռակերտ
վանքում է պահվում Հայոց աշխարհի յոթ
ձիաբեռ աղանմանը:

Լսելով դա՝ մոռնով զորապետի բիբերը
լայնացան, դեմքով գոհունակություն ար-
տահայտող մի ժայռ սահեց: Լենկ Թեմու-
րը որոշեց անծամբ հափշտակել այդ մեծ,
անգին հարստությունը: Նա ծանր քայլերով
մոտեցավ ժայռակոփ եկեղեցուն եւ քննա-
խույզ հայացքով տնտղեց ներսը: Եկեղեցու
խորհրդավոր մթության մեջ առկայծում,
հուրհրատում էր մի լուսավունք: Հիրավի,
այդպես պայծառ կարող էր փայլատակել
միայն աղանմանը: Ընչաքաղց զորապետը՝
Լենկ Թեմուրը, հագիվ զսպելով ուրախու-
թյունը, նետվեց ներս եւ ձեռքերը տարածեց
դեպի շողարծակող լուսավունքը: Բայց այ
քեզ հրաշք, աղանմանի հուրհրատող լու-
սավունքն իսկույն անհետացավ: Լենկ Թե-
մուրը դանդաղորեն շրջվեց եւ ձեռնունայն
վերադարձավ եկեղեցու մուտքի մոտ: Աղա-
նմանը կրկին ցուլաց: Չորապետը եւս մի
քանի անգամ փորձեց ճանկել աղանմանը,
բայց՝ ապարդյուն: Ամեն անգամ, երբ Լենկ
Թեմուրը ձեռքերը պարզում էր դեպի աղա-
նմանը, շողշողացող լուսավունքն անմի-
ջապես մարում էր:

Ասում են, թե դա ընդամենը մի սովորա-
կան լուսավունք է եղել: Շնորհաշատ վար-
պետ Գալթազն այնպիսի շարժական քար է
տեղադրած եղել, որը ժամանակ առ ժամա-
նակ պտտելով՝ հնարավոր է եղել միջօրեի
արեւի լույսն ուղղել դեպի ներս: Ահա եկեղե-
ցի ներթափանցած հենց այդ լուսավունքն

է աղանմանի պես պսպղացել է: Հետագա-
յում, սակայն, երկրաշարժերի հետեւանքով
ապարները քարը տեղաշարժել են, եւ այն
կորցրել է իր առանձնահատկությունը:

Այնուհետեւ, հուսախաբ եղած ու դա-
տարկածեռն մնալուց կատաղած, գոռոզ
տիրակալը հոխորտանքով ու ծաղրանքով
հրամայում իր մոտ բերել սուրբ գեղար-
դը: Ջառանջավ վանահայրը հարկադրված
բերում է սուրբ գեղարդը, խոնարհաբար
համբուրում այն եւ համարաքայլ մոտենում
բռնապետին: Երբ զինվորները բարձրաց-
նում են միզակները, որպեսզի հարվածեն
սուրբ գեղարդին, անմիջապես հայտնվում
են զրահավորված եւ երփներանգ համազ-
գեստներով բյուրավոր անմարմին, ոգեղեն
զինվորներ ու ամեն կողմից հարձակվում
թշնամու վրա: Մեծ խուճապ ու իրարանցում
է ընկնում Լենկ Թեմուրի զորքի մեջ. ովքեր
փորձել էին միզակով հարվածել սուրբ գե-
ղարդին, նրանց ձեռքերը կծկվում, չորանում
են, կախ ընկնում ուսերից, շատերը կուրա-
նում են, ոմանք անշնչացած արձանանում,
մյուսները ոռնոցով թավալվում գետնին
կամ սարսափահար փախուստի դիմում:
Այս տեսարանից ապշահար՝ տերեւի պես
դողացող Լենկ Թեմուրն աչքերը երկինք է
հառնում եւ ողբածայն գոչում. «Աղամ, գյոր,
գեչ» («Տեր իմ, տես, անցիր»): Այսինքն՝ հրա-
շագործ սուրբ գեղարդն ու համարակերտ
Գեղարդավանքը պետք է տեսնել, զմայլվել
ու անցնել, հեռանալ: Իսկ ով կփորձի ծաղրել
ու վնասել, կարժանանա իր՝ Լենկ Թեմուրի
բախտին ու կպատուհասվի արդարորեն:
Ապա խեղճացած բռնակալը սուրբ գեղար-
դից թողություն է խնդրում, ամբողջությամբ
վերադարձնում թալանած զանձներն ու ձե-
ռագրերը, ազատ արձակում գերիներին, այ-
լելայլ պարգևներ խոստանալով՝ սրարշավ
հեռանում Գեղարդավանքից:

Այդ ժամանակներից էլ Այրիվանք-Գեղար-
դավանքն օտարներն անվանեցին «Գյոր-
գեչ» («Տես ու անցիր»): Դարեր եկան ու
անցան: Դարերի հետ էլ շատ ու շատ նվա-
ճողներ ու ավարառուներ եկան Գեղարդա-

ծոր, տեսան ու անցան, իսկ համարարվեստ
կառույցը մնաց հա-
վերժող դառնալով Հա-
յաստանի նշանավոր
ուխտավայրերից ու
տեսարժան վայրերից
մեկը: Հավերժեց նաեւ
իմաստուն եւ ուսանե-
լի այս գրույցը, ու դա-
ժան բռնապետ Լենկ
Թեմուրի խրատական
հորդորը:

– Մարդ պետք է
միայն տեսնի ու անց-
նի եւ հայոց փայլա-
տակող աղանմանը,
եւ աղանմանդափայլ այս վիմափոր վան-
քը... Ոչ ավերել կարող ենք, ոչ էլ շալակել
ու տանել...:

Եվ հիմա շատ քչերը գիտեն, թե ինչու է
հայկական ճարտարապետության անկրկ-
նելի այս գոհարը մի ժամանակ կոչվել «Տես
ու անցիր»:

Գեղարդի առյուծը (կոթող-ուղեմշան)

Վաստակաշատ ճարտարապետ Ռաֆա-
յել Իսրայելյանի նախագծով կառուցված
«Գեղարդի առյուծը» կամ «Գեղարդի հո-
վազը» կոթող-ուղեմշան է Գեղարդավան-
քի ճանապարհին: «Գեղարդի առյուծը»
միայնակ կանգնած է ժայռին եւ վերելից
իշխում է ամբողջ բաց տարածության
վրա: Կոթողը հիշեցնում է Գեղարդավան-
քը կառուցող Պռոշյան տոհմի զինանշանի
զույգ առյուծներին (կամ հովազներին) եւ
աչքի է ընկնում նրբագեղ գծերի պլաստի-
կայով: Արտիստիկ անկաշկանդությունն ու
վեհատեսիլ գեղեցկությունը միաձուլված
են ստեղծագործական երեւակայության ու
մտքի ազատության հետ: «Գեղարդի առյու-
ծը» Հայաստանում առաջին դեկորատիվ
քանդակներից մեկն է եւ ընդգրկված է Գե-
ղարդ գյուղի պատմության եւ մշակույթի



անշարժ հուշարձանների ցանկում: «Գե-
ղարդի առյուծ» դեկորատիվ քանդակը
տեղադրվել է 1958 թ.: Գեղարդավանք տա-
նող ճանապարհի աջ կողմում: Բազալտե
պատվանդանի վրա տեղադրված քանդա-
կը (քանդակագործ՝ Արա Հարությունյան)
պատրաստված է կոփածո պղնձից:

Գեղարդ Էմին

Գեղարդի վանքը

Սուրբ կոթող չես գտնի այս հողում.
Դարերին նուրբը չէր դիմանա:
Չլիներ Գեղարդը ժայռերում՝
Կավերվեր ու փոշի կղառնար:
Եղածն էլ դոսից չի շողշողում.
Կտեսներ ոսոխը աններող:
Ծածկված է Գեղարդը ժայռերում
Եվ ներսից միայն՝ նուրբ ու գերող:
Մեծ կոթող չեն կցել այս քարին.
Պատերազմ է եղել անդադար: –
Մեծ լիներ Գեղարդն ու վիթխարի՝
Կմնար հավիտյան անկատար:
Կոթողներն իրար չեն մմանվում.
Ինչքան հայ, այնքան էլ Հայաստան՝
Եղեմնով ցրված ողջ աշխարհում,
Հայրենի կարոտով միաբան:

Արման ՄԱՆՈՅԱՆ
Պատմական գիտ. թեկնածու

Եղիշե Չարենցի «Ծիածան» բանաստեղծական շարքի տաղաչափական արվեստը



Եղիշե Չարենցը հայ գրականության առա-
ջին մեծության դերակատարներից մեկն
է, սակայն շատերի ծանոթությունը Չարեն-
ցի հետ սահմանափակվում է նրա ստեղծա-
գործությունների զուտ ընթերցանությամբ, եւ
քչերն են ներթափանցում բանաստեղծի հոգու
զաղտնարանները: Հարկ է մշել, որ Չարենցը
ոչ միայն գրել է հանճարեղ բանաստեղծու-
թյուններ, այլեւ ընդարձակել է գեղարվեստա-
կան մտածողության հայեցադաշտը, կանխո-
րոշել գրականության հետագա զարգացման
ուղիները, թարմացրել լեզուն եւ տաղաչափու-
թյունը, ինչպես նաեւ հարստացրել է գրական
ժանրերը: Սակայն շեշտել Չարենցի միայն
այս բարձր արժանիքները, նշանակում է քիչ

բան ասել նրա մասին, քանի որ այդ ամենով
չի ամբողջանում բանաստեղծի դիմապատ-
կերը: Բազմաթիվ հեղինակներ ու գրականա-
գետներ այս կամ այն ձևով անդրադարձել են
Չարենցի անձին ու նրա ստեղծագործությա-
նը: Օրինակ՝ անվանի գրականագետ Դավիթ
Գասպարյանը Չարենցին բնութագրեց որպես
«մարտիկի», «քաղաքացի բանաստեղծի»,
տաղաչափական արվեստի ձեւարարի, ուժի
եւ արագ շարժման բանաստեղծի (*տես Գաս-
պարյան Դ., Հայոց բանաստեղծության մայ-
րաքաղաքը, Եր., 1996, էջ 642*):

Այս ուսումնասիրության ընթացքում նպա-
տակ ունենք անդրադառնալու Չարենցի տա-
ղաչափական արվեստին եւ ներկայացնելու

նրա «Ծիածան» բանաստեղծական շարքի
տաղաչափությունը:

Նախեստաջ պետք է մշել, որ Չարենցի
պոեզիայի տաղաչափության ուսումնասի-
րությունը ցույց է տալիս հիմնական ձեւերի
ու զուգորդումների մեծ բազմազանություն:
Խոսելով Չարենցի մասին՝ Ավետիք Իսահա-
կյանը մշում է. «Պետք է ասեն, որ Չարենցը
Հոկտեմբերյան սոցիալիստական էպոխայի
ամենամեծ բանաստեղծն է հայ գրականու-
թյան մեջ, եւ նա բազմակողմանի կերպով
ազդեց հայ գրականության վրա, մասնավոր
նիժի, լեզվի, տաղաչափության, պոետիկայի
կողմից» (*տես Իսահակյան Ավ., Երկերի ժո-
ղովածու, հ. 5, Եր., 1977, էջ 125*): Սա վկայում
է այն մասին, որ Չարենցը բոլոր դեպքերում
ցուցաբերել է տաղաչափական բազմակող-
մանի հնարավորություններ՝ պահպանելով
ոչ միայն դասական ավանդույթները, այլեւ զար-
գացնելով տաղաչափական ձեւերն ու հյուս-
վածքները: Առհասարակ պետք է ասել, որ
Չարենցը ձգտում էր տաղաչափական ու ռիթ-
մական հարստության լիակատար զարգաց-
ման: Տաղաչափական բազմազանությունն
ակնհայտ է պոետի գրական գործունեության
բոլոր էտապներում: Պ. Սեւակը գրել է. «1500
տարվա ճանապարհ անցած մեր տաղաչա-
փության մեջ նորություն բերելը համարյա
անհնարին մի գործ էր, իսկ Չարենցի բերած
նորությունները շատ էին այնքան, որ ստիպե-
ցին Մ. Աբեղյանի մամ մեկին հատուկ ուսում-
նասիրություն գրել այդ մասին...» (*Սեւակ Պ.,
Երկերի ժողովածու, Եր., 1974, հ. 5, էջ 328*):
Մ. Աբեղյանն իր հերթին մշում է, որ Չարեն-
ցին բավականություն չեն տալիս մեր բազմա-
թիվ ու բազմազան տաղաչափական ձեւերը,
եւ նա միշտ ձգտում է նորության, նոր ձեւեր
առաջ բերելուն (*տես «Նորք», հանդես, Եր.,
1923, №3, էջ 272*): Այսինքն՝ բոլոր գծերով

Չարենցի ստեղծագործությունը միտում էր
մշտապես դեպի նոր ու բարձր աստիճանի:
Սակայն Չարենցը միաժամանակ, օրինակ,
կասկածամտությամբ է վերաբերվել վանկա-
շեշտային համակարգի գոյությանը մեզանում:
Ահա ինչ է նա նկատում. «...մեր տաղաչափու-
թյունն իր հիմքում, այնուամենայնիվ, *վանկա-
յին* է, իսկ շեշտային տաղաչափությունը մեր
բանաստեղծական արվեստի մեջ *բերովի, ար-
հեստական* կուլտուրա է, որ իր հիմքում իսկ
ինտելիգենտական է, այսինքն՝ մտացածին:
Ոչ միայն սովորական հայ ընթերցողը, այլեւ
նախատերյաանական ֆորմացիայի հայ ին-
տելիգենտը բանաստեղծությունը կարդում է
իմաստի, ինտոնացիայի շեշտերով, եւ երբեք
տոնիքական տաղաչափությամբ» (*Չարենց
Եղ., Երկերի ժող., հ. 6, Եր., 1967, էջ 478*):

Վանկային ոտանավորի ձեւով են գրված
նաեւ «Ծիածան» ժողովածուի բանաստեղծու-
թյունները: «Ծիածան»-ը Չարենցի վաղ շրջա-
նի բանաստեղծական շարքերից է, որը լույս
է տեսել 1917 թվականին եւ ունի «Իրիկնային
քրոջս՝ Կարինե Քոթանյանին» նվիրումը: Բո-
վանդակությամբ եւ կառուցվածքով այն ամ-
բողջական քնարական պոեմ է, որը վերաբ-
րում է նստվածամոր աչքերով աղջկա եւ
բանաստեղծի ֆանտաստիկ սիրո պատմու-
թյունը: Սիմվոլիստական ծիածանի բանաս-
տեղծություններն ունեն գունային որոշակի
երանգավորում, եւ շարքի համապատասխան
մասերն են՝ «Կապույտ»-ը, «Ոսկի»-ն, «Մանու-
շակագույն»-ը:

«Ծիածան» բանաստեղծական շարքի տա-
ղաչափության ուսումնասիրությունից պարզ-
վում է, որ հեղինակը հիմնականում գործածել
է 10-վանկանի տառնավորի չափը, սակայն
հանդիպում են նաեւ 11, 13, 14 եւ 15-վանկա-
նի ոտանավորներ:

→ էջ 7–8

Վաթսուռականների արձակագիրներ. Ժամանակը եւ հերոսը

← էջ 5

Գյուղում հերոսի կյանքի արմատներն են, նա կյանքի կենսահիյուսներ է ներծծում այդ միջավայրից, բայց ճյուղերը ուրիշ քամիների առաջ են տարուկներով: Արմատի ու ճյուղերի հակադրությունն թեև կա, ենթադրվում է, բայց դա, հակադրություն լինելով, նաեւ միասնական ամբողջություն է՝ ճյուղերն արմատների շարունակությունն են: Ծնակուտյան կյանքն ուրիշ վիճակների մեջ է պահում մարդկանց, իսկ նոր կյանքն ստեղծում է միանգամայն այլ վիճակներ, որոնք եւ դրդում են հերոսին իր մեջ հայտնաբերելու նոր գաղափարներ ու զգայական շարժումներ: Բեռնաձիերի ու դժվարին կյանքի պատկերները փոխարինվում են մտքի աշխատանքի բանական հոսքով, եւ նրա հերոսը՝ Պետրոս Մնացականյանը, ներկայանում է ժամանակակից կենսագոյության միանգամայն նոր նկարագրով:

Իր հերոսի մեկ օրվա լի, հագեցած կյանքի պատկերումով, որն ընդգրկում է գործողությունների, հանդիպումների, զրույցների, տարբեր վիճակների, հին ու նոր կապերի զուգադրման, անցյալի նպատակային վերհուշերի, մտքի ներքին ճյուղավորման, ասվող ու չասվող խոսքի, զուգահեռ խոհերի, զանազան մրբերանգների դիտումների մի ոչ միագիծ ընթացք, Մաթեոսյանն ստեղծում է ապրած օրվա իմաստը եւ գոյության հիմքերը որոնող բանական հերոսի կերպար: Յեղիմակը, իր խոսքերով ասած, միայն դեպքեր շարադրող չէ: Այդ ամենի հիմքում կան աշխարհայացքային կարելուր սկզբունքներ, որոնք հանգում են կյանքի հոսանքուտ ու խառնիխուռն ընթացքի մեջ անհատի գոյափոխության կամ ինքնագիտակցմանը: Այդ ինքնագիտակցումը հասունանում ու ենթագիտակցորեն ձեւավորվում է օրվա անցուդարձի մեջ, գյուղական հիշողությունների մեջ, ստեղծագործության բեմադրի սկզբունքների պաշտպանության մեջ, սիրային-սեռական գրգիռների մեջ, զգացողությունների, մտքերի, ապրումների խորքում եւ կանգնում



կյանքի արտաքուստ պարզ թվացող, բայց ներքուստ բարդ, բազմաշերտ, տարբեր ուղղություններով ընթացող, նաեւ խառնիփնթոր ու անհամասեռ պատկերների առաջ: Կյանքի գտած ուղիների, ճանաչած փակուղիների համատեղումը հերոսի էության մեջ աստիճանաբար, բայց ոչ բացահայտ, արթնացնում է հեռվում թողած հայրենի եզերքի կարող: Ու որպես կանչող ձայն, որպես ձգող ուժ՝ կյանքի այդ խառը խաչուղիների առջեւ առնում, բարձրանում են հայրենի բնաշխարհի ու դրա գրկում ծվարած գետաբարեկից շինված տան պատկերները, որոնք խնձորի բույրով, հիշողություններով, կարոտներով նրան տանում հասցնում են իր ծագման պարզ ու զուլալ ակունքներին:

Ինքնաճանաչողությունը վիպական ընթացում է նաեւ ստեղծագործական-ծրագրային հարցերի արծարծմամբ: Վիպակի հերոսն սկսում է խորհել կյանքի եւ արվեստի կապի մասին, տեսական եզրակացություններ անել այդ ամենից եւ մի տեսակ ծրագրավորել իր ընթացումներն ու դրույթները: Ահա այդ հերոսի եւ Եվա Օգերովայի խոսակցությունից մի հատված. «Անտոնինոսին քեզ դժուր եկավ», — հարցրեց, «Այո», — ասացի ես, «Նա բացա-

հայտում է կյանքը շարժող նախնական բնագոյները», — ճշգրիտ ու սառը արձանագրեց նա»: Այս ձեւակերպումը խորհրդանշում է նաեւ Մաթեոսյանի արվեստը, որովհետեւ նա եւս, մանրագին դիտումներով, հետամուտ է կյանքը շարժող նախնական բնագոյների իմացությանը ու բացահայտումով նկարագրելու իր հերոսների վարքագիծը, պահվածքը, հոգեբանական վիճակները: Այս կողմնորոշումն ընկած է նաեւ վիպակի հիմքում:

Այնուհետեւ նրանք խոսում են արվեստի հարցերի մասին եւ փորձում իրենց դատողություններով հայտնաբերել կյանքն ընկալելու նոր տարբերակներ: Խոսակցության մեջ հասունանում է կյանքի ու արվեստի հարաբերության նոր սկզբունքների ճշտման կարեւորությունը: Վիպական արծարծված տեսական մտքերը կարեւորություն են ստանում՝ առավել չափով կապված Մաթեոսյանի արձակի հետ եւ մղում հետեւյալ խորհրդանշության. Մաթեոսյանը վերցնում է կյանքի նյութը եւ իր անհատական դիտողականությամբ, ընկալումներով ու տվյալ նյութի պարտադրած «իզմով» լուծում նյութի առաջադրանքը: Կյանքը կյանք է մնում նրա արվեստում, բայց դա արդեն նրա տեսած, նրա հայտնաբերած կյանքն է: Պետրոս Մնացականյանի եւ Եվա Օգերովայի խոհերը շարունակվում են եւ, ի վերջո, հանգում Մաթեոսյանի արձակի համար կարեւոր մի դատողության. «Լսիր, դա քեզ է վերաբերում», — դիմում է Եվա Օգերովայն Պետրոսին, «գյուղն այն խաչմերուկն է, որտեղ խճճված լինեին քսաներորդ դարի մորթապան գծերը: Գյուղի նյութով անհմար է քսաներորդ դարի գրականություն անել...»: Արձակի հարցերին մվիրված բանավեճը կարծես շարունակվում է. հարցի

տեսական դրվածքը մղվում է գեղարվեստական լուծման: Եվայի հարցի պատասխանը, թվում է, պետք է որոնել ամբողջ վիպակի գեղարվեստական-գեղագիտական-աշխարհայացքային ուղղվածության մեջ: Իսկ այդ ուղղվածությունը հեղինակային կողմնորոշման ու նախասիրությունների արտահայտությունն է, ինչը վիճելի կամ ընդունելի, ճիշտ կամ սխալ, կարելուր կամ պակաս կարելուր համարվելու հետ մեկտեղ՝ իր որոշակիությունն ունեցող մի ուրույն աշխարհայացք է եւ բարձր վարպետությամբ ստեղծված գեղարվեստական իրականություն: Տեսական հարցադրումները տարբեր եւ, ըստ էության, ճիշտ կողմնորոշումներ կարող են ուղեմղել, բայց, ի վերջո, պետք է հաշվի առնել գեղարվեստական փաստը: Ստեղծագործական հարցերի արծարծման տեսակետից հիշարժան է նաեւ անտիպ թողած «Յաղարծին» ակնարկը: Ծանապարհորդություն դեպի Յաղարծին. հեղինակը, Անդրեյ Բիտովը եւ մի քննադատ ու արվեստի հարցերի քննարկում:

Անառարկելի է, որ ժամանակը նաեւ այլ խնդիրներ ունի եւ կարելուր խնդիրներ, որոնց գեղարվեստական պատկերը ցանկալի կլինեի գտնել հեղինակի աշխարհում, բայց ցանկությունը մնում է ցանկություն, իսկ գրողը դրա փոխարեն ստեղծում է իր ուրույն ու անկրկնելի աշխարհը եւ դրանով հարստացնում գրականությունը:

Այդ ցանկության իրականացումներից մեկը «Տաշքենդ» (*«Անձրեւած ամպեր», ՍԳ, 1982, թիվ 5*) վիպակն է, ինչը նաեւ առիթ է մտաբերելու Ակսել Բակունցի «Կածանով» ակնարկը: Բակունցի հերոսները կածանով հոր են գնում: Գնում են Տաշքենդ, որ պիտի դառնար Մաթեոսյանի հերոսի երազանքը: Բակունցի ակնարկն ինքը՝ Մաթեոսյանն է՝ հուշում՝ անսագրային տարբերակը բնաբանելով՝ տարեք գյուղացուն դեպի Տաշքենդ տանող հատվածով:

Շարունակելի

Դավիթ ԳԱՄԴԱՐՅԱՆ
Բանասիրական գիտ. դոկտոր, պրոֆեսոր

Եղիշեն Չարենցի «Ծիածան» բանաստեղծական շարքի տաղաչափական արվեստը

← էջ 6

Չարենցը հիմնականում գործածել է քառատող տուրը եւ կատարել խաչաձեւ հանգավորում: Ժողովածուն սկսվում է հետեւյալ քառատողով.

*Ես աստղային մի պոետ, Լաբիրինթոսում
քո Կապույտ,
Քոյր, անցնում եմ, որպես աստղ, հոգիս —
մեռած աստղի փայլ.
Այնքան տրտում է հոգիս, բայց միշտ
ժպտում է հոգուդ,
Որ երազը չդառնա Գողգոթայի ճանապարհ...*

Այս քառատողը բաղկացած է 14-վանկանի տողերից, որոնք մեծ հատածով բաժանվում են երկու հավասար մասերի, իսկ դրանք էլ իրենց հերթին՝ 4+3 սկզբունքով: Բանաստեղծության տողերն ավարտվում են շեշտված հանգով, եւ, ինչպես նշում է Էդ. Քրեբշյանը, այդպիսի հանգը կոչվում է արական (*տե՛ս Ջրբաշյան Էդ., Գրականության ներածություն, Եր., 2011, էջ 268*): Յեղիմակն ստեղծում է, այդպես կոչված, մոտավոր կամ անճիշտ հանգեր: 20-րդ դարի հայ պոեզիայում սկսվել էր մի միտում, որը պահանջում էր՝ ճշգրիտ հանգեր չլինեն, այլ՝ մոտավորապես նմանահնչյուն: Այդպիսի մոտավոր հանգերի մեջ մեծան հնչյունների կողքին լինում են նաեւ մեծ կամ փոքր չափով իրարից շեղվող կամ ակնհայտորեն տարբեր հնչյուններ: Ահա հենց այս մոտավոր կամ, այլ կերպ ասած, ասոնանսային հանգերն են տեղ գտել Չարենցի ստեղծագործության մեջ եւ գործածվել են նաեւ այս քառատողում: Այսպես, օրինակ, մոտավոր հանգ են կազմում «կապույտ» եւ «հոգուդ» բառերը, ինչպես նաեւ «փայլ»-ը եւ «ճանապարհ»-ը, որոնցում միայն ձայնավորն է հանգավորված: Նույն՝ 14-վանկանի ոտանավորի չափով է գրված նաեւ «Ծիածան» բանաստեղծությունը,

որտեղ մախրող բանաստեղծության մեծ տողերը մեծ հատածով բաժանվում են երկու հավասար մասի՝ 7+7, իսկ դրանք էլ բաժանվում են 4+3 չափով: Ուշագրավ է այն հանգամանքը, որ բանաստեղծության առաջին եւ երրորդ տները, որոնք նույնն են, վերջին տողը կազմում են միայն 7-վանկանի չափով, որը փոքր հատածով բաժանվում է 4+3-ի.

*Լուսամփոփի պես աղջիկ՝ աստվածամոր
աչքերով,
Թոքախտավոր, թափանցիկ, մարմինի պես
երազի.
Կապույտ աղջիկ, ակաթի ու կաթի պես
հոգեթով,
Լուսամփոփի պես աղջիկ...*

Այս ոտանավորի բանաստեղծական տողի հանգն արական է, քանի որ շեշտվում է վերջին վանկը: Յեղիմակը խաչաձեւ հանգավորում է օգտագործում՝ abab, սակայն, բացի ճշգրիտ հանգից, օգտագործում է նաեւ անճիշտ հանգը: Օրինակ՝ բանաստեղծության երկրորդ տնում նա գրում է.

*Ես ի՞նչ անեմ, ի՞նչ անեմ, որ չմեռնի իմ հոգին,
Որ չմարի իմ հոգին քո ակաթե աչքերում.
Ես ի՞նչ անեմ, որ մնա ծիածանը երեքգույն,
Որ չցնդի, չմարի իմ հոգու հեռուն...*

Այստեղ, օրինակ, «աչքերում» եւ «հեռուն» բառերը կազմում են մոտավոր հանգ: Կարելու է նաեւ այն հանգամանքը, որ ամեն տողի վերջում տրվում է մեծ դադար, որն ազդարարում է մյուս տողի սկիզբը: Ամբողջ բանաստեղծությունը բաղկացած է քառատող տներից, որոնք կոչվում են քատրե եւ հաճախադեպ են պոեզիայում: Յիմնականում հենց այս քառատող տներով էլ կառուցված են «Ծիածան» ժողովածուի մյուս բանաստեղծությունները: Օրինակ՝ իրենից մի քառատող է ներկայաց-

նում նաեւ Չարքի մեկ այլ անվերնագիր բանաստեղծություն: Չարենցը գրում է.


*Երեք ծածանչ, երեք երանգ, երեք գույն,
Որ անցան
Քոյր, կապել են քո աչքերում, իմ հոգում
Ծիածան:*

Այս քառատողն անհավասար տողերով բանաստեղծություն է, քանի որ առաջին եւ երրորդ տողերը 11-վանկանի են, իսկ երկրորդն ու չորրորդը՝ 3:11-վանկանի տողը, իր հերթին, բաժանվում է 4+4+3 սկզբունքով: Չնայած տողերի անհավասարությանը՝ բանաստեղծության ռիթմականությունը պահպանվում է, քանի որ կարճ տողը կրկնում է իրեն մախրողով 11-վանկանի տողի 3-վանկանի տողը, ինչը ռիթմական շեղում չի առաջացնում: Յեղիմակը կատարել է խաչաձեւ հանգավորում, ինչն ամենից շատ է բնորոշ քառատող տներից, եւ հանգավորման մեջ օգտագործել է նաեւ մոտավոր հանգ, օրինակ՝ «գույն» եւ «հոգում» բառերի դեպքում:

Ինչպես նշվեց, Չարքի բանաստեղծություններից շատերը բաղկացած են 10-վանկանի տողերից, եւ այդպիսին է նաեւ «Կապույտը» բանաստեղծությունը.

*Կապույտը հոգու աղոթանքն է, քոյր,
Կապույտը — թախիծ.
Կապույտը — կարոտ թափանցիկ, մաքուր,
Ու հստակ, ու ջինջ:*

Քառատող տներով բանաստեղծության տողերը բաժանվում են իրար հավասար մասերի՝ 5+5՝ բացառությամբ յուրաքանչյուր տան երկրորդ եւ չորրորդ տողերի, որոնք հենց իրենք իրենցով 5-վանկանի տողեր են: Բանաստեղծը կատարել է խաչաձեւ հանգավորում՝ abab:



Բանաստեղծության հանգավորումը հիմնականում արված է ճշգրիտ հանգերի միջոցով, օրինակ՝

*Կապույտը քրոջ աչքերի անհուն
Առավոտն է թագ:
Կապույտում հոգիս մի հին իրիկուն
Անգոր հեծկլտաց:*

Այս քառատողում «անհուն» եւ «իրիկուն», ինչպես նաեւ «թագ» ու «հեծկլտաց» բառերը կազմում են ճշգրիտ հանգեր: Սրան հակառակ՝ բանաստեղծության մեջ տեղ են գտել նաեւ մոտավոր հանգեր. օրինակ՝ Չարենցը գրում է.

*Կապույտում անուտ խոսքեր են հոսում
Երկնից — երկինք:
Պոգիս — Կապույտի լաբիրինթոսում
Սրբացած կնիք:*

Այս տողերում, եթե «հոսում» եւ «լաբիրինթոսում» բառերը կազմում են ճշգրիտ հանգ, ապա «երկինք» բառերը կազմում են մոտավոր հանգ: ➔ էջ 8

Կորոնավիրուս

← էջ 5

Արդյոք չարիքը կվերանա՞ աշխարհից, արդյոք կսովորենք իրար օգնել, հասկանալ, սիրել, բարությանը հաղորդակցվել:

Արդյոք կսովորենք հարգել բնության օրենքները, կձգտենք չխախտել տիեզերքի ներդաշնակությունը, երկյուղածությամբ ու սիրով կվերաբերվենք բնությանը, այն ամենին, ինչը շրջապատում է մեզ: Ցանկացած միջամտություն բնությանը պետք է լինի բնության օրենքները հարգելով:


Երջանկությունն է կյանքի ցուցանիշը. մարդուն ոչինչ ավելին անհրաժեշտ չէ: Նա երջանիկ կլինի, եթե իրեն, իր շրջապատը հոգեպես բարեփոխի, եթե դիմացինին վերաբերվի այնպես, ինչպես կուզենար իրեն վերաբերվելին:

Այդ իսկ պատճառով պետք է վերաբերվենք միմյանց այնպես, ինչպես մայրն է վերաբերվում իր երեխային՝ առանց եսասիրության եւ անշահախնդիր սիրով: Նման մթնոլորտում մարդիկ իրենց լավ կզգան:

Կորոնավիրուսը եւ հեռավար կրթությունը

Հեռավար ուսուցման եւ դրանից բխող խնդիրներն առաջնային քննարկման առարկա են դարձել ոչ միայն Հայաստանում, այլեւ COVID-19-ից տուժած բոլոր երկրներում:

Տալոյանա Չերմիզովսկայան անդրադարձել է նաեւ այս խնդրին. «COVID-19-ով պայմանավորված հեռավար կրթությունը ոչ թե ժամանակավոր է, այլ մեծ մի միոնա, քանի որ հաճախ «աղամանդագործ» մարդիկ, հսկայական գործնական եւ գիտական փորձ ունեցող մասնագետները հեռանում են աշխատանքից եւ մասնագիտությունից՝ թվային իրականության մեջ ըստ պատշաճին տեղավորվելու անկարողության պատճառով: Այսինքն՝ նշաձողն



իջեցվում է: Սակայն կան բացառություններ, երբ մարդիկ, անկախ տարիքից եւ մասնագիտությունից, կարողանում են յուրացնել այդ ոլորտների գիտելիքները: Անհրաժեշտ է պահպանել նման մարդկանց, այլապես կբախվենք մի իրավիճակի, երբ, օրինակ, մարդիկ, որոնք կարողանում էին կարդալ եզրագրական պապիրուսները, այլեւ չկան, որ կարդան: Եվ եթե մենք չենք կարողանում պահել այդ մասնագետներին այն պատճառով, որ նրանք չեն կարողանում ճիշտ լրացնել էլեկտրոնային աղույսյակները, ապա մենք հիմարներ ենք: Դարվիսի հոտ է գալիս. ասես բնական ընտրություն է տեղի ունենում՝ սոցիալական եւ գաղափարական»:

Կերչինսկի մշտն է նաեւ, որ հեռավար կրթության եւ դրա հետեւանքների վերաբերյալ դեռեւս չկան իրականացված հետազոտություններ, որոնք հնարավորություն կտային զննատեսելու իրավիճակը:

Այս առիթով հարկ է մշել, որ Հայաստանում արդեն իսկ առկա է հեռավար կրթության վերաբերյալ տեղական (գյուղական համայնքների դպրոցներում) մշտադիտարկման արդյունքների վերլուծություն (տե՛ս *Հեռավար ուսուցման խնդիրները Հիթլերի մարզի գյուղական համայնքների դպրոցներում. վերլու-*

ծություն 2020. «Ինթրա» հոգեբանական ակումբ 34): <https://www.fontanka.ru/2020/08/30/69448318/>

2020-ի մարտի 16-ին ՀՀ կառավարության 298 որոշմամբ Հայաստանի Հանրապետությունում հայտարարվեց արտակարգ դրություն՝ կապված ՀՀ-ում նոր կորոնավիրուսային հիվանդության (COVID-19) տարածման հետ, եւ ուսումնական հաստատություններում կրթության կազմակերպումը դարձավ հեռավար: Չնայած դպրոցական հաստատություններում անցումը հեռավար կրթությանն անսպասելի էր եւ իր բնույթով նորարար, այնուամենայնիվ արտակարգ դրության ժամանակահատվածում հրապարակվեցին դրա վերաբերյալ տեղեկատվական նյութեր, եւ օրենսդրության մեջ կատարվեցին անհրաժեշտ փոփոխություններ ու լրացումներ: Հեռավար կրթության վերաբերյալ օրենսդրությունն ամրագրում է որոշակի կարգավորումներ:

Այսպես՝ Կրթության մասին ՀՀ օրենքի 12-րդ հոդվածը սահմանում է կրթության ձեւերը. սովորողների կարողություններին եւ պահանջներին համապատասխան՝ կրթական ծրագրերն իրականացվում են առկա (ստացիոնար), հեռակա, հեռավար (դիստանցիոն) եւ դրսեկրթյան (ընտանեկան եւ ինքնակրթության) ձեւերով: Կրթության բոլոր ձեւերի համար նույն կրթական ծրագրերի շրջանակներում գործում է միասնական պետական կրթական չափորոշիչը:

Հանրակրթության մասին ՀՀ օրենքում տրվում է հեռավար կրթության հասկացությունը. կրթական ծրագրի իրականացման ձեւ, որի շրջանակներում անմիջական եւ ոչ անմիջական ուսուցման գործընթացը սովորողի եւ ուսուցչի միջեւ իրականացվում է հիմնական

նում տեղեկատվական տեխնոլոգիաների եւ հեռահաղորդակցության միջոցներով, սակայն հիմնական հանրակրթական ծրագրերի կազմակերպման ընթացքում կարող է կիրառվել կրթության պետական կառավարման լիազորված մարմնի սահմանած կարգով՝ բացառիկ դեպքերում եւ որոշակի ժամկետով:

Հեռավար ուսուցման արդյունավետությունը պայմանավորված է հեռահաղորդակցական տեխնոլոգիաների կիրառմամբ, որոնք հեռավար դասընթացների նախագծման եւ իրագործման հիմքն են: Հեռավար ուսուցումը դիտվում է որպես ուսուցման ինքնուրույն ձեւ. այն չի կարող իրականացվել ուսուցման ավանդական ձեւերով: Հեռավար ուսուցման եւ առկա ու հեռակա ուսուցման ձեւերի համեմատությունը ցույց է տալիս, որ հեռավար ուսուցումը կարելի է դիտել որպես առկա ու հեռակա ուսուցման զարգացման նոր աստիճան, որը հնարավորություն է ընձեռում կիրառելու տեղեկատվական նոր տեխնոլոգիաներ՝ հիմնված անձնական համակարգիչների, վիդեո եւ աուդիոսարքավորումների կամ այլ տեխնիկայի օգտագործման վրա: Հեռավար ուսուցման տարբերությունն առկա ուսուցումից այն է, որ նյութի էական մասը յուրացվում է ոչ թե լսարանում, այլ համացանցային տեխնոլոգիաների միջոցով, այսինքն՝ հեռավար ուսուցմամբ սովորողների աշխատանքը կազմակերպվում է հիմնականում ինքնուրույն:

Արդյունավետ կլինի նաեւ նմանատիպ հետազոտություն անցկացնել միջին մասնագիտական եւ բարձրագույն կրթություն ստացող ուսանողների շրջանում: Ամբողջական պատկեր ստանալուց հետո նոր միայն կարելի է խոսել հեռավար կրթության թերությունների ու առավելությունների մասին:

Սուսաննա ԴԱՎԹՅԱՆ
Փիլիսոփայական գիտ. դոկտոր

Եղիշե Չարենցի «Ծիածան» բանաստեղծական շարքի տաղաչափական արվեստը

← էջ 6–7

Շարքի հաջորդ ենթավերնագիրը ներկայացնող «Ոսկին» բանաստեղծությունը տարբերվում է շարքի հիմնական մասը կազմող քառատող տներով բանաստեղծություններից եւ կազմված է երկտող տներից: Էդ. Ջրբաշյանն իր «Գրականության ներածություն» գրքում մշտն է. «Տան ամենապարզ ձևեր երկտող տունն է՝ դիստիքոսը, որի երկու տողերն իրար հետ հանգ են կազմում» (տե՛ս *Ջրբաշյան Էդ., Գրականության ներածություն, Եր., 2011, էջ 271*): «Ոսկին» բանաստեղծությունը կազմված է հենց այդպիսի երկտող տներից.

*Կապույտի մեջ, կապույտի մեջ – արեւի ոսկին:
– Քնիր, քնիր, կապույտ աղջիկ, չգարթենս
ծեգին:*

*Կարապետը լճերի մեջ, ջրերի վրա
Դեռ քնել են, դեռ միրիում են. կարթնանան
հիմա:*

Բանաստեղծական տողը 13-վանկանի է, որն էլ իր հերթին բաժանվում է 4+4+5 սկզբունքով: Բանաստեղծական հանգերում տեղ են գտել նաեւ մոտավոր հանգեր, օրինակ՝

*Ու արեւի թելը ահա, լճերի միրիում
Հրդեհում է աստղանկար տրտմության
հեռուն...*

*Ու մարում են, ու մեռնում են այն աստղերը,
տե՛ս:
Արթնացել են կարապետը ու կանչում են մեզ:*

Վերոնշյալ երկտողերում «միրիում» եւ «հեռուն», ինչպես նաեւ «տես» ու «մեզ» բառերը միասին կազմում են մոտավոր հանգեր:

Հաջորդ բանաստեղծությունը, որը բացում է նյութ ենթաշարքը եւ ներկայացնում է ծիածանի մեկ այլ գույն, վերնագրված է «Մանուշակագույն».

*Կապույտից հետո եւ ոսկուց հետո,
Քրկր, փռվեց ահա իմ տրտմած հոգում,
Որպես երազում ապրած երեկո
Մի խամրած մշուշ մանուշակագույն...*

Բանաստեղծական տողը 10-վանկանի է, որը բաժանվում է 5+5 չափով: Բանաստեղծը կատարել է խաչաձեւ հանգավորում՝ օգ-

տագործելով մոտավոր հանգ՝ «հոգում» եւ «մանուշակագույն» բառերի դեպքում: Բանաստեղծությունը բաղկացած է երկու տնից, սակայն եթե առաջին տունը քառատող է, ապա երկրորդ տունը հինգատող է.

*Հիշում են հիմա, որ մի իրիկուն,
ժպտալուց հետո, երբ ոսկի շղթան
Ընկավ ամոթխած գիրկը լռության –
Փռվեց քո դեմքին, իմ տրտմած հոգում
Մի խամրած մշուշ մանուշակագույն:*

Այս տան տողերը եւս 10-վանկանի են եւ հատածով բաժանված են 5+5-ի: Այս տան մեջ արդեն հեղինակը կատարել է օղակաձեւ հանգավորում, եւ հանգ են կազմում առաջին տողի «իրիկուն», չորրորդ տողի «հոգում» եւ հինգերորդ տողի «մանուշակագույն», ինչպես նաեւ երկրորդ տողի «շղթան» եւ «լռության» բառերը: Ընդ որում՝ «իրիկուն», «հոգում» եւ «մանուշակագույն» բառերը կազմում են մոտավոր հանգեր:

10-վանկանի տողերից է բաղկացած նաեւ շարքի հաջորդ բանաստեղծությունը, որը հեղինակն անվերնագիր է թողել: Այն իրենից ներկայացնում է 8-տողանի երկու տուն.

*Աչքերիդ վճիտ ու թաց կապույտում
ժպիտը ոսկի.
Մայրամուտային մշուշը տրտում՝
Կտերիդ վրա.
Եվ, որպես շշուկ չքաղված հասկի,
Մեր հոգնած սրտում
Սկասումը, որ ցրտաբեր քամին
Հիմա կսուրա...
Ստվերներն իջնում ու փարվում էին
Դեմքիդ, իմ հոգում.
Մթնում էր հեռուն խանձված հոգու,
Որպես իրիկուն.
Երազները, քրկր, երանգներ էին,
Խամրեցին միգում,
Խամրեցին, հանգան մայրամուտային
Իրիկնաժամում մանուշակագույն...*

Բանաստեղծությունը, ինչպես երեւում է, կազմված է անհավասար տողերից, քանի որ առաջին, երրորդ, հինգերորդ եւ յոթերորդ տողերը 10-վանկանի են, իսկ երկրորդ, չորրորդ,



վեցերորդ եւ ութերորդ տողերը՝ 5-վանկանի: Սակայն բանաստեղծության ռիթմը պահպանվում է, քանի որ այդ 5-վանկանի տողերը կրկնում են իրեն նախորդող տողի վերջին 5-վանկանի ուղքը:

Ուշաբժն է նաեւ շարքի մեկ այլ բանաստեղծություն, որը վերնագրված է «Հրաժեշտի երեկոն» եւ ասես ամփոփում է շարքի բանաստեղծություններում առկա տրամադրությունները.

*Ձինջ ճախրում են դղանջները հորիզոնից
հորիզոն,
– Ի՞նչ տրտում է, կապույտ աղջիկ, հրաժեշտի
երեկոն...*

Բանաստեղծությունը բաղկացած է երկտող տներից, որոնց երկու տողերն իրար հետ հանգ են կազմում: Սակայն հանգավորելիս հեղինակը գործածել է ոչ միայն ճշգրիտ, այլեւ մոտավոր հանգեր.

*Տրտմություն ու լույս է իջել քո աչքերում,
իմ հոգում.
Օրհնենք, օրհնենք այս երկրային հրաժեշտի
երեկոն...*

Այս տողերում «հոգում» եւ «երեկոն» բառերը կազմում են մոտավոր հանգ: Բանաս-

տեղծության տողերը 15-վանկանի են, որոնք իրենց հերթին բաժանվում են 4+4+4+3 ձևով:

Այսպիսով՝ կարող ենք մշել, որ «Ծիածան» շարքի բանաստեղծությունները գրված են վանկական տաղաչափական համակարգով, որն ամենից շատ է հանդիպում մեր պոեզիայում: Հեղինակը հիմնականում կատարել է խաչաձեւ հանգավորում, բայց առկա են նաեւ օղակաձեւ հանգավորման օրինակներ: Հանգավորման մեջ Չարենցն օգտագործել է ինչպես ճշգրիտ, այնպես էլ մոտավոր հանգեր: Բանաստեղծություններից շատերը քառատող տներով են կառուցված, սակայն հանդիպում են նաեւ երկտող տներով բանաստեղծությունները եւ այլն: Այնուամենայնիվ, ինչ չափի տող էլ որ գործածած լինի հեղինակը, եւ ինչ տեսակ հանգավորում էլ, որ նա օգտագործի, բառերը ծառայում են բանաստեղծի հոգու ու ապրումների արտահայտմանը:

Սամվել ԵՂԻԱՋԱՆՅԱՆ

ՔՐԻՍՏՈՆՅԱ ՀԱՅԱՍՏԱՆ

Կրոնական, մշակութային, լրատվական երկշաբաթաթերթ

Հիմնադիր՝

Մայր Աթոռ Սուրբ Էջմիածին

Հրատարակիչ՝

«Քրիստոնյա Հայաստան»
թերթի խմբագրություն

Գլխավոր խմբագիր՝

Աստղիկ Ստամբուլյան

Գրանցման վկայական՝ 624

Խմբագրության հասցեն՝

Մայր Աթոռ Սուրբ Էջմիածին

Հեռախոս՝ (010) 517 280

Էլ. փոստ՝ qristhay@etchmiadzin.am
astghikstam@gmail.com

web կայք՝

krishayas.wordpress.com

Ստոր. տպագր. 30.09.2021 թ.

Տպագրանակը՝ 1225